



Th. Repp

de

Sermone





404

por

6 (4)

De
Sermone Tentamen,

composuit

Thorleifus Gudm. Repp,

Bibl. Jurisc. Edinb. Bibl. L. N. F. F. & L. I. B. F.

Annot. Hocce tentamen auctor pro more solemnī Universitatīs havniensis, cum approbatione Ord. Philos. haviensis, subiecit publico examini eruditorum, pro gradu Magisterii Artium obtinendo, defenditque in colloquio publico Die. 8^{to} Id. Febr. A. 1826, respondente Ornat. Haldoro Einarsen, Juris Studioso Islando.

Havniæ MDCCCXXVI.

Typis Directoris *Jani Hostrup Schultzii*,
Aulæ et Universitatīs Typographi.

Specimen hoc inaugurale, dignum censet facultas philosophica Universitatis haviensis, quod ad honores magisterii Artium auctori legitime comparandos, disputationi publicæ subjiçiatnr.

Havniæ Nonis Januar. MDCCCXXVI.

G. Wad,
Decanus fac. philos.

Celsissimo

Regio Principi

Christiano Frederico.



Celsissime

Regie Princeps!

E Britannia reduces tantam Tuam erga nos experti vere Regiam clementiam, antequam ad Britannos revertamur, hoc a Te petimus novum clementiæ documentum, ut hocce opusculum Tuo Nomine decorare permittas; cumque illud eam artem tangat (artem nempe dicendi) quæ præstantissima est omnium artium, & in qua Tu præter ceteras Regias laudes tantopere excellas, Tibi jam per se sacrum videtur opusculum nostrum, etiam si nos sileremus; laurus enim omnis Apollini sacer, nec potest Deus sucæ sylvæ vel decerptum folium aspernari. Tibi itaque tribuisse id, quod Tuum est,

*illa sit, quæ nobis maneat gloria, & insuper illa,
qua Te colimus,*

HAVNIÆ

prid. Idus Jan. 1826.

Celsissimæ Regiæ Princeps,

Reverentia.

Thorl. Gudm. Repp.

L. S.

Nisi in hoc nostro opusculo plures atque graviores defectus lectorem essent offensuri, quam qui humano cuicunque operi plerumque necessario accidunt, excusationi supersederemus, tuti intra commune humanæ naturæ propugnaculum, mentalium virium infirmitatem, & hebetudinem ingenii lubenter constitentes, imo, ut fieri solet, hoc gloriæ ducentes, quod hujus hebetudinis quidem non, propter nimiam stoliditatem aut vanitatem, ignari, ausi fuerimus ardua aggredi et in difficillima materie nostrarum facultatum exercere tenuitatem. Verum cum longe alia ratione comparata res sit, nostrumque opusculum solito gravioribus defectibus prematur, haud ineptum ducimus paucis monere, id quod tamen doctorum non fugiet sagacitatem, qui defectus ab ipsa rei difficultate sicut profecti, qui nostræ magis simplicitati & ignorantie sicut ascribendi.

Ingressi sumus quandam scientiæ regionem hirsutam, sylvestrem, opacam, arduam, palustrem, omni discriminum & obstaculorum genere persitam, uullis fere signatam vestigiis prætereuntium; magnum enim lumen Monboddonis aliam monstravit viam, quam illam, quam nos quæsimus, nec ad celsam Herderi metam unquam speravimus ascendere. Herderus gravissimus fuit in monstranda sermonis *humana origine* & intra propositæ questionis limites coercitus — præmium enim reportavit Academia berolinensis — præter hanc ipsam rem vix quidquam molitus est, & quanquam, ut verum philosophum decet, quicquid summum est et nobilissimum in natura hominis acerrimo oculo perlustretur, tamen eo tendit tota disquisitio, ut sermonis monstraret humanam originem, ut hujus summæ artis inventionem hominum iugei vindicaret atque studio. Monboddoni autem hoc peculiare est, quod, ut ita dicam, totum hominem, quatenus homo, i. e. plusquam animal est, a se ipso & per se ipsum formatum existimat, omnino tamen ab impietatis tutus crimine; quanquam cum ipsum hominem haud sermonem tantum invenisse asserit, verum etiam multo labore et studio & exercitio ideas & notiones primæ concepisse, imo seipsum artem cogitandi docuisse, tamen, ut par est, facultatem hujus summæ artis, quæ ceterarum omnium artium matrix est, repetit ab auctore totius existentie; hoc autem est in Monboddonis philosophia insuetum, quod hoc ipsum, quod ut facultatem modo considerare solemus, ille ut humanæ artis opus considerat, sed tamen vir, ut pauci, academicæ & peripatheticæ doctrinæ peritus, in diffluendo est sagacissimus, in distinguendo maxime acutus, in explauando perspicuus, in illu-

atrando copiosus, in refellendo cantionis, vigoris, diguitatis laude æque præstaus, in nulla non arte philosophica egregius; quam etiam adeo meritam commendationem a doctissimo Herdero est consecutus; nouumquam tamen fraugit sapientissimui viri fidem mira quædam credulitas & traditiones miraculosas amplectendi festinatio.

Omnes autem, qui nobis saltem sint cogniti, id egerunt, ut hauc questionem, de sermonis origine in alterutram partem traherent i. e. aut ut Deo aut ut homini hujus artis inventionem totam tribuerent. Hoc certe valet de iis omnibus, quorum opera huc pertineant nobis videre contigit, ab ipso Platone usque ad *Herderum*; valet de *De la Condémine*, *Rousseau*, *Monboddone*, *Suzmilchio*. *Maupertvinum* antem opusculum modo fragmentum quoddam est, sagacitate quidem plenum, sed doctissimus auctor hauc rem aggressus est ut problema quoddam geometricum, suæ artis morem & demonstrandi rationem servaus. Hoc certe fragmentum vix in alterutram partem trahitur.

Respectu pictatis omniuo, credo, perinde est, utrum Deum docuisse, an hominem inuenisse artem loquendi dicimus. Priorem tamen sententiam Herderus ludibrio habet, imo negat impletate carere; adeo enim multifariam reperit imperfectionem in hujus artis elementis, ut Deo indignum judicet, ejusmodi artem formasse & docuisse. Quæ sane minus tuta est argumentatio. Forte doctissimus auctor etiam polypoda creare, vel ejusmodi aliud infimi ordinis animal, siquem alium adeo vilis creaturæ auctorem potuisset imaginari, Deo iudiguum censuisset. Præterea quando dicimus Deum quoque loquendi artem creasse, hoc certe de illa sermonis parte intelligendum est, in qua omnia perfectionis semina continentur. Semper enim spectandum, sermonis, nil cuiuscunque alius rei, quoddam esse ideale, quoddam etiam materiale; tumque id, quod ideale magis est, a Deo magis immediate profectum asserimus, id vero, quod materiale, mediate tantum ad Deum debere referri, cum hoc formatum sit per intercedens arbitrium hominis. Libera itaque etiam erit illa sententia ab impietate, quæ Deum tuetur humani sermonis auctorem.

Nobis autem in hoc sermonis negotio, illa adeo usitata distinctio inter divina & humana minus apta videbatur. Nos notum illud Schilleri dictum: "Du sollst bey mir in meinem Himmel bleiben," non de poetis tantum intelligendum ducimus, verum de homine in universum, & hoc credimus hominis summum & gravissimum privilegium. Primæ infantiæ omnis nati parentes haud tutores modo sunt, verum etiam fautores, sustentatores. Et siquidem humani generis originem a summo numine repetimus, paternam curam nunquam infans inprimis hominum genus adjuvisse et fovisse, imperitum rexisse speciali quadam ratione, eique pericula avernncasse, asserere haud dubitamus. Equidem hoc vix negant adversarii, sed negant: divinum hoc auxilium nisi per solita naturæ subsidia hominibus impertiri, quæ quidem objectio, etiamsi vera esset, nec potest rebus humanis adimere divini-

tatem, nec obscuram rem illustrare, nec aliud quidquam efficere, quam ulterius quasi remove id quod humanum fuit intellectum. Namque per experientiam humanæ vitæ modo exignam partem novimus, ejusque formarum modo illam, per quam & in qua nostra vita movetur & agitur a natiuitatis tempore usque ad mortem; & si collectam assumimus experientiam totius humani generis, tum quidem historie novimus, vitæ forma qualis fuerit per duo circiter annorum millia, quæ enim e remotiore antiquitate hauritur cognitio historica vix est annuipauda, sed hæc est humani generis experientia per poesin servata atque tradita, ad metaphysicam, quam historiam, propius accedens. Sed tamen per hanc quam jam nominavimus periodum, damus vitæ formam esse historie i. e. per experientiam cognitam, adeo ut sciamus, qualis per hanc ipsam periodum inter Deum atque homines intercesserit relatio, quasque res homo per hanc totam ætatem sua sponte gesserit, quas divino auxilio atque motu iucitatus, (quam tamen rem accurate determinare, credo, difficillimum foret) tum tamen id omne humanæ vitæ spatium, quod ultra hujus periodi fines tenditur, quod totam complectitur humani generis infautiam sic, i. e. per experientiam, non est cognitum.

Jam vero hoc tautum, quod sic novimus, *secundum naturam & naturæ leges fieri* plerumque arbitramur, quamquam per se patet, quasdam etiam esse naturæ leges, quas humani generis evolutio & formatio sit secuta in ejusdem (humani generis) infautia, quæ vobis non possunt sic esse cognitæ. Et tamen apertum est spontaneam efficaciam hominis non fuisse eo tempore æque manifestam atque nunc est, i. e. τὸ θεῖον tum fuit magis manifestum.

Mouboddo equidem & Herderus id egerunt, ut per totam materiei disquisitionem divina ab humanis peracute scernerent. Nos enim statim comperiremus, nos hanc distinctionem sæpe assequi non posse nostri ingenii lumine, omnino diversam viam sumus ingressi.

Igitur hac plerumque missa quæstione: *divinus an humanus sermo esset*, huic nobis proposuimus contemplantum uti *objectum quoddam physicum* (einen physischen Gegenstand), statuente in hoc, uti quocunque alio ejusmodi objecto, quod sub temporis schemate manifestatur, quasdam formationis epochas (Bildungs-Epochen), quæ separatim possent considerari; et in hac investigatione identidem respeximus ad quotidianæ experientię analogiam, cum intelligeremus, easdem formationis leges in individuo hominum (bey jedem menschlichem Individuo) repeti, secundum quas sermo formatus sit apud totum humanum genus.

Sic secundum nostram rationem consideraui, prima sermoneis epocha illa est, in qua nulla comparet literarum distinctio, sed omnis perceptio atque omne pathema inarticulata vocis varia modulatione (*accentu*) significatur; hanc enim modulationem vel hodie animadvertimus prius intelligi a matribus & nutricibus, quam aliquam literarum distinctionem. Hanc itaque vocamus *accentus epocham*. In hoc

quidem præcedentium scriptorum plane deseruimus auctoritatem, cum neminem sciamus hanc acceutui vim tribuisse; hoc tamen sic habere, nos pro certo comperisse existimamus.

Consciæ & claræ perceptionis, sed maxime sensus secundæ epocha est, & hanc, cum aptius non occurrat nomen, poeticam dicimus.

Tertia illa epocha est, in qua homo totam sermonis vim perspexit, & omnes fere suas res sermonis moderamenti committit, & per sermonem plurima gerit. Hanc voco *oratoriam epocham*. Hoc sermonis, quatenus per se consideratur, summum fastigium est.

Scientia autem, ut ita dicam, quandam inducit sermonis *regenerationem* & novas formationis leges. Hanc autem sermonis formam in suo adhuc rudimento versari credidimus.

Nec nostra quidem disquisitio aliam quam rudimenti gloriam sectatur; quod si tale non spernendum præstitisse videbimur, hæc sane larga erit studii compensatio, cum præterea ipsa rei contemplatio non caruisset sua iucunditate.

Circa latinitatem mouendum est, quod nos ejus respectu eadem libertate usi sumus, quam a ceteris omnibus senioris ævi auctoribus adhibitam esse in philosophicis disquisitionibus animadvertimus, obscuritatis multo magis tinentes, quam prævæ latinitatis culpam. Voces itaque *sensatio*, *passio*, *individuum*, *organizatio*, & ejusmodi varias multis in locis adhibere nulla fuit religio, cum illas a præstantissimis senioris ævi scriptoribus usurpatas comperiremus. Ipse Spinoza, latini sane sermonis peritissimus, ejusmodi voces veritus non est, & quicumque senioribus temporibus latine quidquam commentatus est, eadem usus est libertate. Nos itaque hac in re nil nobis sumus proprium, sed communi quadam usi sumus indulgentia, offensam quidem non suspicati, ubi necessitati morem gerere videbamur.

Caput I.

De clementis sermonis.

§. 1.

Vocem lingua sumimus & sensu lato atque improprio, & sensu stricto atque proprio. Stricto enim sensu lingua denotat humanæ vocis usum, quo mortales ideas, uotiones, sensationes inter se communicant, quo — ut ita dicam — intellectuale omne peragitur commercium inter homines. Improprio autem sensu deprehendimus vocis, *lingva*, multo latioris significatum; huic enim considerantes definimus linguam simpliciter *per omne commercium idearum & sensationum, quod fit mediante voce*, adeo ut *bestiarum quandam linguam* etiam agnoscamus.*)

Annot. In philosophica quacunque disquisitione, necessarium omnino est, quamcunque ideam contemplari, non solum uti apparet intra suos strictissimos limites, verum & totam illius sphaeram & ditionem perlustrare debemus, namque hoc pacto illius originem, & quasi generationem & veram vim melius comprehendimus; & cum omnis idea ad aliquod genus referatur, necessarium quoque est, illud genus cognoscere. Jam in hac, quam nos proponimus, re, apertum est, quod hocce notionum & sensationum commercium per vocem, haud exclusive ad homines pertinet, verum & hujus rei quoddam velut rudimentum natura etiam dedit ceteris animalibus. Tale est, ex. gr. philomelæ plactus, ferarumque rugitus, quo se in sylvis convocant velut ad concionem, tale, variae vocis modulationes, quibus aves & quadrupedes varia animi pathemata significant. Consideranda etiam hic ipsius vocis lingvæ etymologia, nam ex etymologia vocum persæpe verus earundem significatus eruitur. Jam vero *lingva*, *γλῶττα*, *Tunga*, *Tungemaal*, — istæ, inquam, omnes denominationes manifesto indigitant, hujus uotionis nomen ab organi nomine esse desumptum, quod inde sine dubio factum est, quod antiquis fuit persvasum, cuicunque animali inesset organum sermonis, ei etiam inesse aliquem illius usum. Verum ne hoc quidem satis est, sed videmus & lingvæ sphaeram adhuc latius pateentem, nam uti *sermonis genus proximum est vox*, sic in omni voce deprehendimus etiam rudimentum quoddam sermonis, adeo ut tonitruum & proruentium fluminum, imo et corruentium saxorum quædam lingua sit, nam ejusmodi fere sonitibus violentior quæcun-

*) Confer. Herderum Init. Libr. de orig. ling. & Monboddi. passim.

que naturæ commotio animantibus & cuique audienti & percipienti significari solet. Hi quoque sui vario modo hominum mentes afficiunt; nonnullis enim homines lætantur — uti rivuli susurru — aliis contristantur — uti campanæ per regularia, sed longiora intervalla repetita pulsatione — aliis alio modo afficiuntur, quidam enim terrorem, alii iram excitant. Adeo his sonitibus, quadam ex parte, fit commercium notionum & sensationum, naturam inter atque homines. Quanquam enim soliti sumus in quotidiano sermone naturam considerare uti magnam quendam massam materiæ, mechanicis legibus, ex creationis necessitate, non sua sponte, obedientem, non est ea philosophica illius contemplatio. Philosophus enim naturam contemplatur totam uti magnum quoddam *vivens, agens & patiens*, cui omnia contingunt, quæ viventibus soleant contingere, cui vitales insunt spiritus & motiones, quod violentis quibusdam affectionibus morbosus est obnoxium. Et talimodo sonos in universum observans uti *potens quoddam medium communicationis* in tota natura, statuit, generice loquens, omnem sonum esse quendam sermonem, quo magni naturæ organismi affectiones declarantur, mortalibusque & ceteris animalibus communicantur:

There is a lesson in the rolling wave,
And mighty warning in the thunders roar.

§. 2.

Quidam volunt vel latins sumere significationem vocis *lingva*, animadvertentes etiam commercium idearum quaudoque signis & gestibus fieri, quam nonnulli *mutam linguam*, sive loquelam, sive sermonem vocavere; hic autem vocis sensus maxime *improprius* est, nam ipsius notiois negationem in se continet. Neque lingua recte vocantur illa signa, quibus surdi & surdi utuntur, lingvæ vice, quamvis vel articulata & literalem linguam iisdem expriment; hæc autem signa tantum sunt lingvæ, illius loco substituta ad notiones exprimendas. Lingva autem omnino intra soni sive vocis limites quæranda est.

§. 3.

Lingva humana etiam sermo sæpe vocatur. Sermo autem est vel in certa membra divisus, distinctisque literis enunciatus: *articulatus*, vel non sic divisus: *inarticulatus*. Excultior hominum lingua articulata est maxima ex parte; rudior, uti infantum, non est (videl. articulata); & bestialis omnis *lingva est inarticulata*.

Annot. Articulatæ lingvæ imitatio, quam nonnullas aves, uti corvos & cornices & alias docere solent, sermo quidem non est, sed tantummodo est imitatio sermonis, nam idearum communicationem non habet pro scopo, nec ipsa quidem vocis articulatio recte avi tribuitur, cum haud siue multa difficultate adipiscatur imperfectam quendam articulationis imitationem, quæ tamen semper ab ipsius naturæ maxime videtur aliena.

§. 4.

Articulatus sermo haud tantum consistit, ut multi autumant, in vocalibus literis & consonantibus, verum & solis vocalibus effici potest, quanquam hæc imperfectior est articulatio, namque vox *eo* articulata quidem est vox, & vox *aaa* quoque articulata foret rite pronuntiata, unde apparet vocis articulationem simplicem effici tantum per divisionem vocis, & thesin spiritus. Multo autem perfectior illa est articulatio, quæ fit voersium & consonantium varietate, multis modis nexa atque complicata.

§. 5.

Vocalis litera est sonsus, qui e pulmonibus propellitur sine ullo adjecto obstaculo, & vocalium varietas tantum efficitur per angustationem & rotunditatem variam causalis, per quam vox emittitur. Qui canalis si in uno fere momento, sub continuata, & non divisa, vocis propulsione angustatur, formatur *diphthongus*, ut *ai*, *ei*, *oi* &c.

Annot. Sed angustus jam vocis causalis haud adeo subito dilatari potest, ut latus angustari; nempe rapidior est a dilatatione ad angustationem transitio, quam vice versa ab angustatione ad dilatationem; hinc fit, ut ultima ratione formati soni haud proprie diphthongi voceantur, ut *ia*, *ie*, *iu*.

§. 6.

Membrum quodcumque separatum sermonis, sive quod inter duas vocis divisiones interest, vocatur *syllaba*; hoc etiam per accideus nonnunquam *verbum* est, sive vox *sensu strictissimo*; nam monosyllabice quoque voces sunt.

§. 7.

In bestiarum voce una eademque syllaba*) plerumque semper recurrit, uti in ovium, syllabæ *bæ* & *mæ* semper repetitur, in canum latratu *wo*, *wo*, in boum mugitu *mo* &c. Hæc autem simplex syllaba ejusmodi est, ut animalis totum characterem omnino exprimat, ejusque sentiendi & vivendi rationem.

Annot. Hoc attente considerandum est: ovis tota lingua in syllabis *bæ* & *mæ* tantum consistit, bovis in syllaba *mo* vel *mu*, canis in syllaba *wo*, & tamen hæc animalia eadem fere varietatem sensationum his syllabis exprimunt, uti terrorem, desiderium pnilorum, escæ, & quæcunque ejusmodi sunt. Sed psychicæ constitutionis diversitas, & præterea diversitas organorum loquelæ efficit, ut bos syllaba *mo* utatur, ovis autem syllaba *bæ* vel *mæ*. In avium lingua multo maior diversitas apparet, quamvis non in syllabarum distinctione, sed in multifaria varietate accentus (de quo post dicendum), & in modulatione tonorum, quod et apprime videtur cum avis ratione sentiendi con-

*) Equidem quanquam in variorum animalium vocibus ejusmodi syllabas distinguamus, tamen non vocamus ejusmodi sonitum articulatam, quod ea de causa monemus, necul ea, quæ hic dicantur, repugnare videantur contra præc. §§es.

gnere. Talis foret admodum profunda physiologiæ cognitio, quæ explicaret, qualimodo quæcunque animi commotio afficeret organa loquelæ, & sic determinaret, quinam esset ejuscuque affectionis sonus originarius & fundamentalis; quendam enim talem esse vix possumus dubitare. Per similem physiologiam liceret in simpliciore vitæ forma brutorum animalium determinare, quænam esset in tali vel tali animali prædominans mentis affectio; hujus enim sonus fundamentalis & originarius foret is, qui apparet in animalis mugitu vel vociferatione.

§. 8.

Inculti hominis & infantis lingua paucis tantum syllabis constat, sed cum hominum sensationes magis variæ sint, quam ullius animalis, & organorum aptitudo multo perfectior, deprehendimus vel in maxime rudi lingua hominum majorem varietatem, quam in ullius alius animalis voce.

§. 9.

In hominum lingua certæ quædam syllabæ sunt, quæ certas animi affectiones indicant, quorum elementum duplex est; partim ipsa subjectiva affectio, quæ naturaliter talem sonum elicit, partim constitutio objecti, quod homo voce quasi depingere conatur. Haud tamen in omni ejusmodi syllaba utrumque hoc elementum simul prodit, sed in nonnullis tantum hoc, in aliis tantum illud. In voce *Kukuk*, quæ in multis & quidem diversissimis lingvis occurrat, vix deprehendimus nisi onomatopoeiticam imitationem objecti, adeo hæc vox omnino ex imitatione objecti formata est; at in interjectione *ai*, quæ plerumque dolorem vehementem exprimit, modo comperimus vocem veluti ab ipso dolore creatam per involuntariam fere atque spasmodicam contractionem organorum loquelæ.

Annot. Multi existimant, omnis lingvæ elementa tantum esse onomatopoesin, quorum opinionem Adelung maxime sequi videtur, qui sane vehementer errant; nam præter onomatopoesin, quæ omnino objectiva est, subjectivum aliud est lingvæ elementum in illis vocibus, quæ ad violentiora pathemata tam animi quam corporis exprimenda adhibentur, manifestum, quæ est *oh! uh!* perterritorum, *ah!* mirantium & quæcunque ex ejusmodi interjectionibus voces formantur. Sed cum in universum verum sit, vitam primitivi hominum generis magis fuisse objectivam, hoc etiam in lingvæ formatione confirmari cupiunt, non reputantes lingvam omnino formari non posse, nisi & subjectiva vita hominis admodum sit efformata.

§. 10.

Hæ quidem syllabæ omnino considerandæ sunt uti elementa omnis lingvæ, vel uti lingua primitiva hominum, & hæc sane magna ex parte manent immutata etiam in lingvis recentioribus & derivatis, verum & persæpe mutantur & corrumpuntur adeo, ut naturalis lingvæ sonos proprios in com-

pluribus lingvis agnoscere difficillimum sit. Illæ certe voces, quæ affectus vehementissimos indicant, huc debent referri, & illæ plerumque ex originaria quacunque lingua servatæ sunt.

§. 11.

Primitiva autem hæc lingua haud tantum elemento duplex (§. 9), verum & alia ratione diversa; nam primo loco quædam est in hominum organis diversitas, adeo, ut quædam gentes nonnullos literarum sonus facilius & magis naturaliter expriment, quam alios. Exemplo sint Arabes & semiticæ gentes, quæ multifarios sonos gutturales exprimunt, quos pleræque gentes Europæ haud sine multa difficultate assequuntur. In insulis Oceani Indici nonnullæ gentes literam *l*, aliæ literam *k* exprimere non possunt; & hoc sane varium est pro organorum varietate. Secundo loco: objecta etiam diversissima sunt in diversis regionibus, & homo certe id aptissime exprimit in sua lingua, quod quotidie illius oculis obversatur. Ita si ponimus duas gentes primitivas, atque unam in Ægypto, alteram in Islandia collocamus, utramque vero a principio linguam sibi formare imaginamur, necessarium erunt istæ linguæ diversæ, quamvis eatenus, ut verisimile est, congruunt, quatenus & naturæ objecta in his locis similia sunt & simili apparent modo, & loquelæ organa apud utramque gentem simili ratione sunt constituta.

§. 12.

Quæ hactenus consideravimus apertum est spontanea non esse, nec hominis arbitrio subjecta; hæc autem physica omnino momenta sunt ad linguæ formationem concurrentia, quæ ab illis, qui autumant, linguam formari ex consensu hominum, quo velut stipuleantur, ut tales soni talia significant, satis perpeusa non sunt, nec ab ipso quidem Platone in Cratylo, qua par erat, diligentia tractata. Spontanea momenta, quæ contribuunt ad formationem linguæ, postea considerabuntur.

§. 13.

Ad linguæ syllabas originarias sive radicales rite definiendas & describendas requireretur anatomix & physiologiæ profundior cognitio; nempe scire deberemus, quo & quali pathemate quicumque nervus afficeretur, qui aliquod loquelæ organon commoveret; nam hoc pacto tantum certiores fieri possumus de radicalium syllabarum vero significato. Externorum phaenomenorum observatio hanc ad rem nec satis certa nec sufficiens est, nec omnino prodesse potest, nisi instituatur apud incultum hominum genus, quod avari affectiones dissimulare non didicit, & quamcunque *passionem* sic exprimit voce, uti affectus infracta vis postulat. Necessarium quoque foret, eos, apud quos hæc fieret observatio, recentiorum linguarum esse iguatos, cum in his naturalis usus literarum plerumque in desuetudinem abierit. Sed cum hoc vix unquam possit contingere, non potest nisi per anatomiam & physiologiam omnino recuperari hæc cog-

nitio. Generalia tamen nonnulla patent, uti: sermonem omnem, qui violentos affectus exprimit in lingua primitiva, maxime effici vocalibus literis cum spiritu; sic gravi animi dolore afflicti *ah!* magis naturaliter proferunt quam *alas*; si talibus vocibus adjiciuntur consouantes, illæ plerumque guttales sunt, quæ tum formantur, uti videtur, quadam spasmodica contractione organorum in faucibus, quod in voce *ach* observamus. Porro: sonans quodcumque objectum plerumque exprimi per imitationem soni, quod in voce tonitru observavit Adelung in permultis lingvis, & omnino in hac classe objectorum onomatopoeicæ investigationes maxime sunt frugiferæ; reputandum tamen, si in sonanti objecto ulla est magis promincus & sensibus obvia proprietas, quam sonus, denominationem non e sono fieri, sed ex hac ipsa qualitate. Sic vix in ulla lingua invenimus equo inditum nomen ab huiusmodi, nec cauli a latratu, sed certe bovi a mugitu. Crassum quodcumque objectum materiale, crassis & duris literis depingitur, cujus varia licet in Cratylo exempla colligere, tenuia autem & lepida tenellis. In hac tamen classe, quam prioribus, originariæ lingvæ usus multo minus servatus est in derivatis & recentioribus lingvis.

§. 14.

Quid igitur de primitiva lingua censendum? Quænam est? Qualis est? Num in illis, quæ nobis sunt cognitæ, quærenda est? Vel, num omnino est? Hæc, credo, ex illis, quæ jam, partim e certis, partim e probabilibus sunt disputata, haud inepte dijudicabuntur; animadvertimus enim jam primitivæ lingvæ momenta qualia siut, nempe: *naturales soni, quos affectus eliciunt, onomatopoeisis e sono & onomatopoeisis e formis objectorum*, quam plasticam licet onomatopoeisin appellare. Jam vero his vel ejusmodi momentis, solis & singulis, ullam linguam formari, vel formatam esse, nulla experientia, nec probabili quidem conjectura, confirmatur; nam vitæ modi — subjectivus & objectivus, passivus & activus haud ita separati in re deprehenduntur, uti possunt imaginando concipi, nec ulla fuit humanæ vitæ periodus omnino objectiva, non magis, quam nunc humana vita ex omni parte subjectiva est, aut ullo posthac tempore omnino subjectiva futura; ita nec lingua fuit tali objectivæ vitæ exclusive adaptata, sed primis temporibus ut vitæ ita & lingvæ character in universum talis fuit; sed a primis inde temporibus hominum ingenium & arbitrium suas exseruere vires etiam in lingvæ formatione, quamvis ab initio minus quam postea. Adde, quod in ipsis lingvæ rudimentis, uti §. 11 observavimus, differentia multa est, secundum objecta, inprimis sonantia, unde tuto colligimus, *nullam sane esse linguam primitivam in concreto*, sed quædam esse lingvæ momenta physica, uti jam monstravimus, quorum certe, ut par est, in antiquissimis lingvis vestigia exstant plura & magis manifesta; hæc tamen momenta physica nunquam omnino absunt in ullius lingvæ formatione, verum quamlibet linguam sequuntur per temporum decursum in continuata illius formatione, quamvis vel aliorum momentorum præponderans sit effectus.

§. 15.

Male etiam illi distinguunt, qui *naturalem* linguam distinguunt ab artificiali,*) quasi ulla esset talis discreta distinctio. Vires certe naturæ cum hominum ingenio concurrunt in omni momento & ubique ad linguam formandam. Confitendum tamen, quod idem observat auctor, quatenus homo cum aliis hominibus congregitur, quorum lingua illi omnino ignota est, naturalibus maxime utitur lingvæ momenti ad notiones & sensationes utrinque exprimendas, satis gnarus, quicquid ex hominum ingenio confictum sit, ab extraneis non capi. Lingua itaque *franca*, quæ ad totius hominum generis usum apta foret, physicis tantum momentis esset formanda. Verum apparet, idearum multitudinem & varietatem, quæ per talem exprimi potest, vix illam excedere, quam nonnulla animalia sua voce exprimere possunt.

Caput II.

De momentis physicis atque moralibus, quæ ad sermonis formationem contulerunt.

§. 16.

Hactenus lingvæ, ut ita dicam, physicam materiam contemplati sumus, jam ea, quæ ad illam primum formandam momenta accedunt, considerabimus. Horum vero momentorum quædam pertinent ad hominis vitam in universum, atque in cujuscunque lingvæ formationeprehenduntur. Talia sunt *accentus*, *rhythmus*, *musica* & *poesis*. Quædam vero ad exultantem vitam omnino pertineant, quælibet sunt ars oratoria, religio & morum efformatio, scientia, divisiogentium in tribus & classes, et differentia dignitatum, & ejusmodi varia ad politicam spectantia. Duos itaque velut ordines momentorum nacti sumus ad considerandum.

§. 17.

Accentus itaque primo loco tractandus, & quælibet modo linguam formet, spectandum. Sed cum circa accentus naturam multa existat dubitatio & vocis sensus vix unquam satis religiose definitus sit, necessarium omnino est, & hanc rem paucis proponere.

Græci fuere primi & fere soli, qui accentuum diversitatem signis distinguere instituerent, quæ quidem signa, quamvis in antiquioribus libris Græcorum non deprehenduntur, nec omnino inventa sint, atquequam Græcus sermo multum corrumpi coepisset, nihilominus indicant sagacitatem auctorum multam, & ingenium in rebus ad lingvæ philosophiam spectantibus exercitatissimum. Quemadmodum

*) Vide Encyclop. Britann. Artic. Language.

Græcis debetur honos lingvæ propter sonum, harmoniam, elegantiam jucundissimæ, propter varietatem copiosissimæ, ob flexiones perfectissimæ & aptissimæ ad omnes uotivæ exprimendas, ita etiam confiteundum est, Græcos omnia vocis elementa, quæ necessaria simul sunt & pulchre sonantia, maxime convenientibus signis expressisse; & hoc quidem in literali lingvæ præstiterunt. Sed literalem hæc lingvæ, quam vocalibus & consonis exprimimus, alia comitatur lingvæ uou literalis, nec ullo literali signo satis apte exprimeunda, quæ *spiritualis lingvæ* omnino dici meretur; quocirca & Rousseau accentum lingvæ animam sive mentem unucupavit, ut vobis videtur, sat naturaliter, nec omnino figurate illius essentiam describens. Igitur hoc, quod, præter literarum discrepantiam, gentem a gente distingvit inter loquendum, quod hominem ab homine, quod nobilem ab ignobili, quod affectuum & sensationum varietatem in eodem homine multis modis manifestat, hoc, inquam, omne accentui est tribuendum. Hoc, quod in Italorum lingvæ adeo est sonorum, quod in Gallorum adeo politum & — ut ita dicam — læve, quod in Britannorum adeo abruptum & forte, quod in aliis quibusdam lingvis exile adeo & quædoque somnolentum, hoc dico *accentus est*. Audientes Gallos & Britanno & Celtas simul colloquentes servatis diversitatem statim animadvertimus, quamvis horum omnium idiomatum sinus ignari, & hoc modo propter accentum sit; & tamen, servato quidem nationis sive gentis accentu, Gallus discrepat a Gallo & Britannus a Britanno, neque hæc vocis & organorum sola diversitas est, sed est diversitas in tono vocem comitante pro hominum caractere, natura, ingenio, educatione variis. Hominem denique a se ipso discrepare hoc respectu animadvertimus pro affectuum & sensationum continua mutatione, & tamen servat sue gentis & sui characteris constantem accentum. Adeo nationalis, individualis, sive characteristicus & mutabilis accentus est. Itaque hic detegimus quendam veluti servatis oceanum, nulla figura delineandum, nec ullo finito signorum numero exprimeundum.

Quid igitur est accentus? *Accentus*, dico, est illa vix definite describenda & innumeris modis varia vocis modulatio, quæ omnem lingvæ, omnem sermonem comitatur, quoque id plerumque exprimimus, quod lingvæ literali aut omnino assequi non possumus, aut aptius sic exprimere speramus. Hæc sane accentus descriptio cum ipsius nomine quadrat; accentus enim est id, quod sermoni velut accinitur.

Hujus autem species quædam est *accentus stricte sic dictus*, quem & *tonum* vocant; hunc accentum nudum vocare mihi placeret, quia hic modo sese exserit in syllabis attollendis vel gravius pronuntiandis, & hæc sane est illa accentus species quem Græci tribus signis distinxerunt; verum de hoc accentu postea amplius suo loco dicetur. Sed in illo, quem prius descripsimus, accentu videntur contineri omnis sermonis perfectionis semina; hic est velut illud fermentum, quod rudem & incultam lingvæ suavem & gratam reddit & humanam incouditam vocem quasi in divinam con-

vertit, quocirca haud inepte Poetae recentiores vocem *accent* *) usurparunt uti sermonis nomen uobilissimum.

Ab altera parte consideratus accentus quoque universalem quendam sermonem sistit, qui vere est totius humani generis vernaculus, imo & inter nouuella animalia (ut quasdam aves) intelligibilis. Equis est, qui irati accentum a blandientis hand facile dignoscat, etiam in lingua omnino ignota, qui lætum a lamentabili, superbum ab humili non discernat. Imo & hoc sæpe accentus prodit, utrum homo falsa an vera loquatur, utrum certa vel incerta, utram partem sermonis supprimat ob timorem, an libere loquatur. Secreta astutia & malignitas accentu sæpe manifestatur. Sic accentus haud solum *lingvæ anima* est, uti Rousseau illum recte vocavit, verum & contra *animæ lingua* dici potest. Accentum enim formant & concinnant, quæ homini insunt pathemata, persæpe præter illius voluntatem.

Verum & accentus tempore prius homini infuisse censendus est, quam literalis lingua; literalis nempe lingua est quædam accentus crystallus. Et quidem jam apud infancem multo prius mater discernit accentus quam loquendi facultatem, ut cibum postulantem, dolore vel frigore afflictum, requiescere volentem, blandientem, succensum facile intelligat. Imo & in ultimis vitæ momentis post perditum lingvæ literalis usum dignoscuntur accentus.**)

Ceterum, cum accentus tantus & tam multifarius usus sit, tuto concludimus illum ab initio maximum contulisse ad literalem sermonem formandum, idque, ut vobis videtur, hoc pacto:

Postquam literalis lingua usurpari coepit, quamlibet certe vocem, quamlibet syllabam, accentus quidem comitabatur; sed eandem vocem multifarii accentus sequebatur, ut jam apud Sinesenses; literali quidem voce vel verbo certa quædam significabatur notio, aut sensatio, sed accentuum varietate magna caterva affluuium notationum & *sensationum* exprimi solebat; has quidem omnes notationes literalibus vocibus exprimere nemo unquam in animum induxit, sed ad maiorem lingvæ perspicuitatem & certitudinem sermonis necessarium fuit tales notationes, quæ frequentissime recurrebant, quæque accentu tantum significabatur, etiam stabilibus signis literalibus exprimere; tali modo formata sunt multa præformativa & affirmativa & variæ syllabæ radicalibus adjectæ & forte immissæ. Imo & sæpe accentus ipse tale vocis literale additamentum ex parte formaverat, uam, longius protractus in radicali quadam syllaba, novam vocalem literam interdum addere visus est. Sic illud phænomenon explico, quod in plerisque affirmativis lingvarum antiquarum vocales multo magis prævalent quam consonantes, & inter consonantes liquidæ magis quam mutæ. In græca lingua atque latina sane litera *s*, frequentissime occurrit in affirmativis syllabis, verum & talis sibilans aspiratio proxime accedit

*) My latest accents hear. Byron.

**) Hinc etiam hoc respectu poeta: My latest accents hear.

ad accentus uaturam. Crassiores certe consonantes vix in ulla syllaba affornuativa invenimus, uti literas *k* vel *g* vel *p* vel *b*.

Et procul dubio loco accentus in processu temporum multæ sunt formatæ etiam separatæ voces ad affines notiones designandas. Sic accentus in omni momento apparuit & præsto fuit ut iudex literalis lingvæ defectuum, & partim per ipsum monstrata sunt remedia ad illos repleudos. Et sane hæc accentus utilitas etiam hodie in omni lingva apparet, & cum accentus sit lingvæ τὸ θεῖον, ut par est, propellit eandem & ducit ad perfectionem.

Sinesensium ceterarumque orientalis Asiæ gentium sermo magnum documentum est ad uostram opinionem confirmandam, monosyllabica enim illorum lingva literalium vocum admodum est inops, & hanc ob rem in primo jam formationis stadio consistere censenda est, sed accentuum gaudet immensa varietate, qua literalium vocum & syllabarum defectus compeusatur, & ut docti referunt, apud has gentes accentus veri uomitis *accentus* est, non cuius omniuo capi potest, uisi a musicæ artis peritis, & non affines voces tantum accentu distinguunt, verum & tales, quarum notiones ne minimum quidem cognatæ videntur; & accentus apud has gentes, quamvis omni modo varius, ne sufficit quidem ad sermonem perspicuum reddendum, sed gestibus innumeris & contorsionibus faciei multifariis, ejus atque lingvæ defectui opitulatur, & quando hæc parum sufficiunt, ductus characteris illius, quæ exprimenda est, vocis, digito monstrat in aere. Sic illi quidem exemplum præbent hominum, quos accentus non induxit ad linguam efformandam, verum hoc peculiari cuidam hebetudini & ignaviæ est ascribendum, quæ in gentibus, voluptatibus tautopere deditis, miranda non est; & quamvis variarum artium mechanicarum mire periti sint, omnia tamen, quæ de illorum vita & moribus sunt cognita, produunt conformationem speciei ceteris humani generis speciebus multis nominibus inferiorem, & mirum quendam defectum propensitatum nobiliorum & facultatum altiorum; adeo ut in illa arte, (arte nempe loquendi) quæ principalium est facultatum fetus, vix amplior sit expectanda perfectio.

Verum nec hæc quidem sola accentus est præstantia, quod id exprimat, quod literali lingva exprimi parum potest, & tali modo illius defectus monstret, eosque monstrando lingvam efformet, sed & omnis fere sermonis *jucunditas* in accentu est quærenda. Accentu omniuo fit, ut & nosmet ipsos & alios lubenter audiamus loquentes. Sine accentu sermo foret similis lectioni rusticorum, qui e libris fere omniuo sine accentu solent recitare. Talimodo etiam illi, qui in lingva omniuo ignota aliquid recitant, omniuo sine accentu recitant, aliter enim fieri non potest, & horum quidem oratio mortuus quidam sermo est nervo & vita carens. Itaque quemadmodum *omne vivificans & vitale* in universum sese monstrat uti aliquid occultum, quod phænomeno subest, sic hoc se etiam habet in sermone; accen-

tus enim in sermone est illud occultum vivificans, quod literali subest sermoni, qui illius est phaenomenon. Sed in hoc vitali omnis latet sermonis jucunditas, non auri tantum blandiens, verum & animi facultates, attentionem, memoriam, imaginationem excitans & arripieus, siue qua tædiosum & vere molestum omne foret colloquium. Et denique accentus est illud *principium*, ex quo proficiscitur omnis sermonis organismus, imo & hoc principium in ipso rudimento linguae jam continet semina omnium facultatum sermonis, quæ postea sese explicant. In accentu rudis linguae jacet futura versus harmonia & suavitas solutæ orationis & sententiarum rotunditas; hoc paullatim per accentus rectum usum prodit & formatur.

§. 18.

Secundum toni varietatem & variam protractionem, in quibus sane accentus se monstrat, qui maxime ab initio conferre censendus est ad formationem linguae, proximum sane adjumentum est *rhythmus*, qui certe nil aliud est quam motionis continuatio, interjectis quibusdam regularibus intervallis sive *thesis*. Momenta vero, in quibus motio continuatur & intenditur, *arsis* vocatur. Rhythmus autem est in omni fere motione observabilis, sed inprimis in sonis & motionibus, quas concomitatur sonus. *Vivens omne rhythmicum omnino est.* In maris fluctibus, in venti strepitu, in decurrenti flumine, in magni incendii fragoribus obviis est, quamvis magis vel minus regularis, verum in omnibus, quæ in hominis organismo fiunt, motionibus etiam magis est manifestus. Apparet in pulsu arteriarum, in incessu animalis, in respiratione & omnino in omni humanae vocis usu, nam respiratione præfluunt vocis continuatio. Respiratio tamen, non negamus, eatenus spontanea est, ut homo possit eandem inhibere aliquantum, atque protrahere vocem; tamen & hujus protractionis arcti sunt limites. Sed solita quædam est & media respirationis duratio, quæ naturalem format rhythmi sermonis. Rhythmi autem eadem est atque accentus differentia pro differentia gentium & hominum & denique pro affectuum gradu et intensitate & qualitate. Sic rhythmus in impetuosi hominis sermone celerior est & magis irregularis, tumque maxime, quando violento aliquo affectu movetur animus, & omnino cuicunque affectui sua est in rhythmo peculiaritas, & siquæ geus aut homo tali vel tali affectu frequentius moveri solet, formatur iude rhythmi character in omni sermone. Britannorum quidem accentus plerumque asper est & acutus & abruptus, sed summa plerumque est in eorum sermone rhythmi regularitas, quod populi fert gravitas & moderatio & severitas in affectibus castigandis & inhibendis. Gallorum vero accentus mellifluus magis est & velut æquo & placido sermonis flumine continuus; rhythmus autem latentior & magis diversus.

Rhythmus vero est *singularum vocum & sententiarum*, quemadmodum & circa accentum eadem recte observatur di-

stinctio, affectus enim sese produnt & in vocibus singulis & in sententiis.

Ceterum inops ab initio literalis lingua singulis fere syllabis omnia animi sensa expressit, tumque voces sane fuerunt integræ sententiæ, vel potius, nulla omnino fuit clara distinctio vocum atque integrarum sententiarum. In hoc statim sermo bestiarius voci propior multo minus quidem in usu fuit, nec nisi urgente quadam necessitate aut periculo aut animi commotione violenta in voce prorupit id, quod animo erat reconditum. Tum sane vix ullus fuit vocis rhythmus, sed accentus quidem semper fuit. Sed ut lingua paulatim per accentum formari, voces & syllabæ & sententiæ ex indiscreta vociferatione distingui, verba & sententiæ prolouari & continuo, sed variato sermone plures simul notiones exprimi coeperunt, tum sane accessit etiam rhythmus, qui variis modis sermoni concinnitatem, amœnitatem, harmoniam, emphasin conciliavit. In monosyllabico illo sermone rhythmus nec locum habere potuit, nec omnino fuit necessarius; quamdiu enim homo solummodo simplicem quandam notionem aut simplex aliquod animi pathema unaquaque voce expressit, quamdiu simplici & uno affectu priorum more commovebatur atque cogeatur ad loquendum vel potius vociferandum, nulla omnino requirebatur distinctio rhythmica vocis, sed quando affectuum violentia moderari coepit, notiones multiplicitate augeri & variæ & complexæ simul exprimi, tum sane necessarium fiebat rhythmo distinguere, quod incertis temporum intervallis autem per se satis distinctum est. Sinesensium lingua quomodo se habeat hoc respectu, in doctorum libris non invenimus, nec potest hoc satis diligeuter & accurate observari, nisi quis præsentem audiat Sinesensem loquentem; sed ex illis, quæ de hac lingua apparent e commentariis doctorum & monosyllabica linguæ formatione, sine erroris periculo concludimus, illi vix ullum iusse rhythmum, aut saltem multo magis incertum & irregularem, quam in linguis polysyllabicis.

§. 19.

Musica autem ars est — ut mathematicorum voce utar — quædam accentus nova *dignitas*, sive potentia, nam per illam multo apertius magna a parvis, grandia ab exilibus, sublimia a depressis, seria a ludicris, læta a tristibus, violenta a placidis distinguuntur & discernuntur in sensationibus mortalium. Ita dubitari non potest, quia illa maximum contulerit ad linguæ formationem; potissimum, cum illam vel hodie videamus ad variarum linguarum formationem maximum conferre, adeo, ut quædam inde peculiarem omnino characterem nanciscantur. Exemplo sit lingua Italorum, quæ elegantiam musicam in omnibus fere formis venatur. Musice quantum vim exerceat in hominis animum, quamque arcte iis sit iuncta, quæ in intimo hominis animo sunt recondita, quis non agnoscit? Equis non est expertus illam notionum & idearum magnam multitudinem partim gignere, partim excitare. Dubitari itaque non potest, quia illa

lingvam multifarie ditaverit novas idearum expressiones literales formando. At in formanda & concinnanda lingua vel multo magis effecisse credeunda est. Si fabula fluxit Orpheum saxa & arbores suis incantationibus commovisse, si Amphionem vel marina monstra mausuea reddidisse, si vel seriori & vix refragabili experientia confirmatum est, dolphinos cantu moveri & delectari, & feros animos molliores reddi & placidiores, nos majore adhuc jure rudem & inconditam linguam musica esse politam & formatam asserimus. Quicquid itaque in literarum compositione durum, quicquid in pronuntiando asperum, quicquid in vocali notionum & sensationum pictura injucundum compertum, per musicen est emollitum, facilius & accuratius redditum. Rudem quandam onomatopoesiu homo quidem permature, & omnino jam infans invenisse recte censetur, & quosdam vagitus passiones iudicantes ille quidem non invenit, sed tales natura, ut ita dicam, illi expressit; tales autem vagitus procul abfuit, qui sermo aut veri hominis lingua recte possent vocari, sed accedente musica, quæ onomatopoesi ademit illud nimis rude imitativum, quod illi insuit, quæ effecit, ut in formata onomatopoetica voce comperiretur humanitatis & humane artis sphragis, quæ violentiores & duriores sonos, quibus affectus exprimebantur, molliores reddidit & aviores, perfectior & omnino humanus denique sermo formatus est. Imo per hanc accentus vera vis primum recte comperta est & stabilior reddita. Musice denique hominum corda apernit, & ad sublimiores multas notiones concipiendas apta reddidit & sic viam stravit poesi, quæ ut statim videbimus omnium maximum effecit ad lingue formationem.

§. 20.

In poesi primum apparent cunctæ humane nature facultates mentales conjunctim agentes. Ab initio enim humanitas, forma quidem manifesta, voce vix distingui potuit a natura bestiarum. Brevi tamen & in hac apparuerunt humanitatis quædam semina, ab initio autem lateutiora, cum vocis omnis usus potissimum physicam & animale vitam hominis respiceret, ejusque necessaria, pericula, jucunditates, exprimere & significare pro scopo haberet. Major autem erat & perfectior in homine quam ceteris animalibus aptitudo organorum ad varios sonos exprimendos, & ipsius physice vite desideria & affectiones plures atque magis variæ. Hinc factum, ut permature etiam in voce apparerit quoddam propullulana humanitatis germen. Talis jam rudis, sed humana vox, uti præcedentibus §§^{is} monstravimus, *accentu primum variata est, rhythmo distincta, musica polita atque emollita*. Et jam certe notionum & sensationum multum dilatatus campus est, nec amplius mentalis omnis activitas, modo animalis vite desideria spectavit, sed excitata jam imaginatio totam naturam curioso, sed vago oculo perlustrabatur, & quamvis ea maxime, quæ sensibus sunt objecta, contemplabatur, tamen & assurgit aliquando & icarios quosdam tentavit volatus in *sphæra insensibilium*. Sic nova

quidem haud pauca objecta sunt ad contemplandum detecta, sed notionum tamen multo magis adhuc auctus numerus est; nam objectum quodlibet novum, tam reale quam ideale, magna quadam caterva stipatum est terrorum, cupiditatum & jucunditatum. Talimodo pocseos elementa jam præsto sunt & in mente & in sermone. Jam vero poesis, illa, quæ jam tractavius, moncuta, accentum, rhythmum, musicam sibi conciliat atque in suum usum convertit, partim & ipsa ex his tribus nata est: verum & hæc quoque ipsa efformat ad majorem perfectionem.

Sed excitatis jam facultatibus mentalibus & ex parte formatis, & aucta cognitione & idearum copia, lingua primum incipit multifariis *ditari vocibus*. Hoc omniuo fit mediaute poesi, & quemadmodum correspondens quædam est periodus in individuali vita hominum aptissima ad discendum & cognitionem acquirendam, sic poetica hæc periodus gentium aut humani generis discendi etiam periodus est & notiones multiplicandi. Hæc etiam prima est, cui historia ullam lucem affluat, præcedentes enim, ut rei natura fert, in obscuro fere versantur.

In hac poetica periodo primum deprehendimus Græcos mira vocum copia sese delectantes & novas omni fere momento formantes; & adeo auxerunt vocum numerum & formas, ut succedentes ætates vix dimidium eorum partem in usum traherent, iis de causis, quæ postea memorabuntur. In Æschylo certe multo major occurrit vocum copia, quam in Sophocle, & in hoc major & magis varia, quam Euripide. Rhetorum autem florentissima ætas serior est, & horum certe scripta multo minore vocum abundantia & varietate insignia, cum illi, ut deinde videbimus, omnes voces magis de medio sumere cogerentur, ut oratio vulgi captui esset accommodata. Ante Homerum & poetas ionicos sive asiatico-græcos græcam linguam non adeo fuisse copiosam, uti per illos facta est, tuto ferme concludimus, cum in horum carminibus tantum vocum numerum deprehendamus, quæ in ejus ipsius carminis usum primum videatur juvenitæ ad illam exprimendam ipsam rem, quæ tum fuit canenda. Videtur & nobiscum facere ipsa vocum significatio; *ποιητής* enim vocatur is, qui linguam sic auget, & illud, quod efficit, vocatur *ἔπος*. Et hæc quidem lingvæ periodus omni nomine poetica etiam in illam incidit, quæ totius vitæ respectu poetica est, in qua omnes vitæ formæ inchoantur & discriminari incipiunt; in qua imperia subito formantur & momento fere funditus delectur, in qua bella frequentissima & migrationes populorum & magnorum exercituum meatus per vastas regiones terrarum. Tantæ rerum vices, tanta novorum objectorum copia non potuit non & notiones multum augere & dilatare, & vocum formare numerum correspondentem inmensum.

Latinam linguam in seriore multo ætate primum cognoscimus, est etiam ipsa lingua novis formandis vocibus multo minus apta quam græca, ut satis notum est. Verum apud Romanos ne lingvæ quidem historiam omniuo novi-

mus; priusquam fere sub finem hujus poetice periodi, de qua locuti sumus, & tum sane coeperunt *coli illæ artes* (rhetoricam imprimis artem dico) apud Romanos, quæ in *formanda* lingua quam *ditanda* multo sunt efficaciores, imo quæ vocum copiam multo magis restringunt, quam augent. Sed tamen, si Plautum respicimus, animadvertimus illum multo majore abundantiâ copia vocum, quam ullum serio-rem auctorem; & illum multas voces novas introduxisse, ipse & Horatius auctor est, & hoc præterea satis patet, cum par- tim multæ apud illum de Græco sumtæ, partim lusu fictæ voces occurrant.

Sed apud *septentrionales gentes* vocum imprimis im- mensa apparet multitudo per poesin formata. Illi enim soli invenerunt quandam novam artem ad voces formandas pro usu poetico — artem, secundum quam liceret in infinitum augere *denominationes* & epitheta poetica (Kénningar); tali- modo liceret, singulorum objectorum ut: famiuarum, viro- rum, gladiatorum, belli, maris, sanguinis, equorum, navium plusquam myriadem colligere poeticorum nominum ex illo- rum carminibus.*)

Ceterum lingua haud solum ditata est per poesin, ve- rum & cōformata atque concinnata multis modis. Hoc im- primis eo factum est, quod poesis tria illa, quæ prius attu- limus, momenta sibi servire coegit, verum & hæc ipsa ad majorem perfectionem perduxit.

- Sic in poesi primum rhythmus stabilis factus est & re- gulari schemate decorus; accentus non ut antea vocem di- stinxit a voce & syllabam a syllaba tantum, verum & effe- cit sententiarum discrimen & carminibus colorem velut iu- didit, cum recitarentur. Musicæ tota energia primum com- perta est, quando sublimi vel dulci versui iungebatur. Sic in lingua quæsitæ sunt novæ perfectiones, uti euphonia, dic- tio grandis & energetica, humilis & ludicra, gravis & seria, quas quidem non dico antea omnino fuisse ignotas, sed ta- men vix ullo nomine cognitæ, & siquando in hominis ser- mone apparuere, hoc fiebat præter illius conscientiam, adeo ut istas quærere non posset. Jam versus sese quoque mon- strarunt uti novum principium formans, partim novo rhyth- mo, (alius enim rhythmus hic est, quo versus distingvitur a versu, alius, quo syllaba a syllaba, aut pes a pede) partim *coercendis vocibus intra suos fines*, unde permultæ uatæ sunt novæ vocum formæ, illis, quæ antea in usu fuere, aptiores, elegautiores & castigatæ magis. Similiter plasticum quic- quid fuit in lingua antea in singulis tantum vocibus apparu- erat; jam vero amoeniore & grandiore forma indutum etiam sese monstravit in versibus & sententiis. Denique, cum nul- lum non vitale momentum lingvæ in poesi appareat, per il- lam primum cognita est hæc incredibilis sermonis vis ad mo- vendos animos, demulcendos, excitandos, exhilarandos, quæ

*) Hoc septentrionalis *poetas* quidem nullam laudem aut perfectionem existimamus, sed linguam hoc modo copiosam esse redditam aper- tum est & hoc catenus borealliam sermoni esse laudi ducendum.

uñi alicui soli momento tribni recte non potest, sed horum miræ cuidam conjunctioni.

§. 21.

Poeticam autem hanc periodam, monere scire superfluum est, me ad certam quandam ætatem in universum non referre. Apertum enim est apud hanc gentem & in hac regione terrarum illam effluxisse, dum apud aliam & in alia regione adhuc duravit. Nec tamen unquam aut alicubi sic effluxit, ut nil relictum sit poeticum in mente hominum, aut poescos vis in lingua formanda omnino extincta, sed hic de eo loquimur tantum, quod in quacunque ætate prævaluit & emicuit maxime. Poeticam autem periodum hanc possumus magis secundum ceteras vitæ formas circumscribere atque determinare.

Quo tempore igitur gentes maxime in familiis victitabant distinctis, patrisfamilias & seniorum auctoritati subditæ; quando inter seniores paterfamilias ex antiquissima stirpe primum tenuit dignitatis locum, ut inter juniores maximus natu herilis filius, (sed in omnia familiæ membra apud patremfamilias sive archipatrem summum erat dominium, ita tamen, ut in gravioris momenti rebus semper ceterorum seniorum audiret & quæreretur consilium, non ulla lege aut necessitate coactus, sed prudenti quadam & salutifera consuetudine, ad optimam rationem agendi detegendam), hoc inquam tempore poesis imprimis floruit, maxime enim cognata est iis ideis & sensationibus, quæ in tali vita potissimum gignuntur. Animi affectus, ut ita dicam, domestici, amores tam *) sexus, quam paternus, filialis & fraternus, poeseos præstantissima nutrimenta sunt. E contrario ut formari resp. ut majores civitates coudi coeperunt, ut ampliores hominum coetus congregari in curiis, comitiis, exercitiis, *dicendi ars* primum extulit caput, hæc enim altioribus civilibus affectibus alitur, ut ambitione, civilibus discordiis, vitæ periculis tumultuariis, & ab altera parte patriæ amore, boni publici studio, gloriæ amore, ceterisque civilibus virtutibus. Poesis animos movet sæpe vehementius & hominum sublimiores facultates excitat & delectationem sæpe habet pro scopo. Ars dicendi mentem movet & ducit ad pervasionem. Poesis multo majorem fert inæqualitatem dictionis & quidem apte in versu, imprimis in dramatibus, grandia interdum iuxta humilia ponuntur, seriis miscentur jocosa, dura mollibus, quod longe aliter habet in dicendo, nam in oratione queritur variata quædam æqualitas. Ita dicendi ars omnino ad maturiorem ætatem humani generis pertinet, quam poesis, & alia sequitur, & aliis utitur mediis, & alia ratione linguam afficit & format ad suum scopum.

§. 22.

Igitur cum oratori semper eorum multitudine sit dicendum, multitudo autem omnis diversis gandeat facultatibus

*) Vix necessarium est monere, me per sexus amorem intelligere illam formam amoris, quæ modo in diversitate sexuum cogitari potest, nec tamen hunc esse amorem physicum. Longe enim alia res est.

ad capiendam orationem, illi novum quoddam iungitur munus perspicuitatis, quod poetæ nunquam tanti momenti visum est. Oratio enim, nisi a præsentem capiatur, non convincit illum, qui præsens est; sed carmen, quod sua natura aptius in memoria conditur, quamvis obscurius, sæpius relectum intelligitur. Et poeta omnino potest sine ullo suo aut carminis damno nonnullos, imo multos parvi facere lectores aut auditores, adeo, ut illi perinde sit, utrum ab eis intelligatur, nec ne, orator sæpe nullam potest vilipendere auditorem; unus enim, cui non satis persvaserit, magno interdum illius causæ detrimento est. Perspicuitas ita evadit fundamentalis quædam virtus in oratione, sine qua is, qui dicit, nugæ agit. Hanc ob causam ille cogitur vocibus uti communibus & e medio sumptis; obsoletas rescindit, nimis recentes & non parum receptas vitat & omni modo obscuras repudiat, nec vocum modo obscuritatem timet, verum & compositionis & sententiarum. Igitur in illa periodo, in qua dicendi ars colitur, imprimis fit, ut antiquæ multæ voces rescindantur in universam, etiam e sermone quotidiano, quæ tamen in carmine, per longum tempus oblivioni traditæ, iterum renascantur. Hoc sic accidisse, in multis quidem lingvis satis observare licet, & Græcæ certe lingvæ historia sat luculentum hujus rei documentum est; Homeri enim & Hesiodi carmina a multitudine Atheniensium vix credam fuisse intellecta, propter antiquitatem dictionis tam in vocibus quam in earum formis ubique recurrentem; sed tamen imprimis in antiqua lingua septentrionalium hæc apparet differentia inter linguam poeticam & linguam solutæ orationis. Illa enim vocum multitudo atque denominationum poeticarum, cujus §. 20 mentionem fecimus, vulgo non fuit cogita, nec potuit ea de causa in soluta oratione & coram concione hominum adhiberi. Etiam sermonis constructio talis fuit in versu, ut sensus sæpe sine multo studio ab artis peritissimis erui non posset. Seusum enim, ut ita dicam, sedulo condiderunt in difficili versu, quæ, quam parum orationi conveniat, dictio, cui non apparet?

In universum apparet *dicendi artis* vis negativa atque restrictiva in lingua formanda. Est enim quoque quædam orationis *dignitas*, quæ certe carminis quoque est, sed longe aliter sese habens vocum respectu & compositionis. Carminis dignitas apparet in rhythmo, in sono vocum & versus, & in convenientia dictionis cum re & persona, quam tractat; orationis autem dignitas consistit in casto quodam delectu vocum, ut nulla nunquam occurrat, quæ auditorem offendat. Et non turpes solum vitandæ voces sunt atque sententiæ in oratione, verum omnis dictionis ineptia & injunctitas & scurrilitas est fugienda, quocirca oratori non licet, quicquid in buccam venerit, eblaterare, sed omnia hujusmodi rescindere cogitur.

Cumque omnino necessarium sit, auditoris attentionem eo ducere, quo oratori placet, atque totam in illam rem convertere, quam ipse postulat, omnia sibi vitanda existimat, quæ ullo modo possint a proposita re audientis attentionem vel per momentum deflectere. Hinc sono similes & homo-

televtas voces, imprimis rhythrice recurrentes, damnarunt Romani, non quia hic orationis habitus per se aures offendit,*) sed quia omnia, quæ ejusmodi sunt, efficiunt, ut auditor aliud agat, aliud cogitet, quam quod optat orator. Nec pauca, nec vilia rhetoricæ præcepta circa linguam versantur, quæ omnino ex orationis necessitate & comodo nata sunt. Tale est, quicquid de sententiarum forma, habitu, longitudine præscriptum est, ut nec nimis longæ sint, nec nimis abruptæ; ne prolixitate fatigent, ne brevitate dissipent, ne iterando negligentem, ne nimia quadam perspicuitate fastidiosum reddant auditorem. Hinc factum est, ut quæsitæ sit apta quædam vocum dispositio atque ordo ornatus & tales in initio, tales in medio, tales in fine sententiæ positæ voces sint. Hinc nata suavitas, euphonia, rotunditas tam vocum quam sententiarum. Hinc totus ille orationis ornatus externus, qui tam ipsius rei causa ob perspicuitatem, energiam, dignitatem, quam auditoris, ad illum persuadendum, & denique ipsius oratoris, ob artis gloriam, necessarius est visus, originem duxit. Orationis autem ornatus, qui imprimis in concionibus, comitiis, curiis ad maturitatem pervenit, paulatim sese propagavit, suamque vim exseruit in omni hominum sermone, & varia, quæ in concione apte & apposite dicta sunt ab oratore, sæpius sunt repetita in familiari colloquio, & nonnunquam proverbiorum vim adepta coeperunt in hominum ore versari. Tumque ut in hominum coetibus majoribus, majora complectens ambitio nata est, primum cogitata est sermonis vera vis, ferro & igne sæpe potentior, & imperandi aliosque ducendi, uti videtur, homini innata cupiditas, summa cum lætitia novum quasi telum exculiti sermonis sive persuasionis nacta est. Itaque coeperunt homines non in coetu tantum ornate loqui & ambitiose, verum & intra privatos parietes & domi, faciliorem sic & humaniorem auctoritatem excercentes in cognatos, liberos, servos & famulos, quam si physicæ potestatis solum auctoritate niterentur. In liberis civitatibus etiam quotidianus sermo & familiaris ornatior est.

Omnia artis rhetoricæ præcepta, quæ habitum externum orationis spectant, quæ sane multa sunt atque summi momenti, circa linguam omnino versantur, sunt autem illa in rhetorum operibus querenda, & monstrant, quam multifarium, quam magnum momentum dicendi ars habuerit in sermone formando.

§. 23.

Duo quidem momenta sunt, quæ priora quidem sunt tempore, quam excultior *ars dicendi*; hanc autem memoravimus prius, propter naturalem connexionem, quæ inter illam intercedit atque poesiu. Hæc autem momenta sunt: *religio* atque *dignitatum discriminatio in civili vita*. Religionem quidem censemus ab humana vita omnino inseparabilem adeo, ut nulla unquam exstiterit humani generis ætas sine

*) Hæc enim omnino adversatur sententia Aristot. Rhet. L. 3. c. 9.

religione. Religionem metaphysicæ considerantes censemus vix aliud esse, quam sensum vitalem, quatenus hominis vita in Deo est. *In te vivimus, sumus & movemur* summum est religionis symbolum, & hoc sese ita habere homo omnino semper sensit, ita uti animalis vita sentit activitatem & motiones, uti sese cogitare sentit atque spirare. Fuit tamen in prima hominum ætate religiosæ vitæ sensus, quamvis non minus intensus, tamen lateentior, antequam contrario sensu mali magis manifestus redderetur. Quoad autem mali vix ulla fuit peritia, nec ulli exstiteret nisi vagi terrores malorum & incerti, religionis sensus quidem fuit, sed vix ulla vocalis expressio. Sed ut rerum cognitio augeri, ut latentes rerum causæ agnosci coeperunt atque nomina sunt sortitæ, tum subito religiosa vita vocalis fiebat, & nova statim formata lingua est ad illas res exprimendas, quæ ad hanc vitæ formam pertinere. Et in hoc quidem studio homines compererunt novam quandam inmensam spheram objectorum non sensibilium, quam autem vix agnoverunt, quamvis antea non sensibilia objecta hand minus intense scuserant. Sed ad tales non sensibiles res exprimendas avertum fuit, sermonem formari non posse secundum easdem leges, atque sermonem objecta sensibilia exprimentem. Illa enim alio modo apparuerunt, egerunt, atque affecerunt mentem, quam hæc. Et onomatopoesin hic ne cogitari quidem posse, per se apparuit. Sic novæ omnino formandæ lingvæ leges natæ sunt per religionem; nomina nempe & attributa & affectiones objectorum sensibilium in novam hanc spheram nonsensibilium sunt translata & novam omnino significationem sortita. Et hæc translatio non fortuito omnino aut arbitrarie fiebat, sed ex certis legibus humanæ naturæ & variis affectionibus imaginationis. Omnes quidem illas voces, quæ idealia exprimunt, sic esse formatas, nulli quidem dubio obnoxium; nam si nonnullæ voces deprehenduntur, quarum significationem originariam physicam vix possimus certo determinare, quales sunt: *Deus*, *Dens*, *Gud*, hoc inde fit, quod hæc significationes jamdiu oblivioni sunt traditæ & translata significationis gravitate velut obrutæ; sed in compluribus potest adhuc monstrari originaria significatio physica. Et sane e religionis usu natam consuetudinem censemus vocibus figuratam significationem subjiendi, nam e tota sphaera insensibilium ea, quæ religionem spectant, procul dubio primum voce expressa sunt, adeoque per religionem figuratus sermo in linguam introductus est. Confirmatur & hoc humani generis historia naturali, nam apud illas gentes, quæ adhuc in puerili quodam statu victitant, vix ulla occurrit vox, ideam aut abstractam notionem exprimens, nisi quæ religionem spectat, & talis semper a sensibilibus cujusdam objecti nomine est formata.

§. 24.

Externa quidem objecta primum hominis animum excitant & imaginationi & cogitationi materiem præbent ad operandum, & illa omnino primum, quæ sensibus percipiuntur, tum & illa, quæ sensibus quidem non comperiuntur, sed ta-

men ut externa cogitantur, cujusmodi illa sunt, de quibus præcedenti §. verba fecimus. Tum vero denique, uti apparet, homo in se ipsum & suam speciem attentionem convertit, illamque rationem considerat, quæ inter ipsum & ceteros intercedit hominibus. Hinc nascitur *dignitatis sensus*, qui totus *humanus* est, i.e. quantum scimus, humano generi peculiaris.*) Hominum nempe quidam sunt natu majores, quidam viribus magis valentes, formosi, sapientes, quam alii, & hi quidem, ut rei natura fert, in ceteros auctoritatem habent illosque suo arbitrio ducunt. Hujusmodi omnis præstantia atque auctoritas, quæ inde sequitur, hominis *dignitatem* constituit, & hujus sane sensum comperimus etiam apud hominum genus maxime incultum, in omni ætate, omni regione terrarum. Diversis tamen præstantiis dignitas utitur apud homines excultos & barbaros. Apud hos quidem sensibiles & externæ præstantiæ, uti robur corporis, magna statura, formæ venustas, ætas, & quæcunque ejusmodi sunt, apud illos animi dotes egregiæ, prudentia, virtus & artium peritia majorem dignitatem conciliant. Sed in omni ætate & apud omnes gentes omnes præstantiæ simul junctæ in emiuenti quodam gradu maximam sane dignitatem conferunt. Per hujus rei sensum homo se ipsum ceterosque metitur dignitatis respectu. Sed hic sensus dignitatis innumeris modis hominem afficit, & sese exprimit, tum per corporis habitum atque gestus varios, cum maxime per vocem, accentum, sermonem, & horum affectiones varias, & sese manifestat tam in illo, cui magna tribuitur auctoritas, quique hujus rei conscius est, quam etiam in illo, qui talem auctoritatem honorat & reveretur: apud hunc sæpe curvato, apud illum erecto corpore, quasi staturæ quodam symbolo exprimere conareutur grauditatis differentiam, apud hunc submissa & exili voce, apud illum plena & altiore, & præterea in toto sermone & vocum delectu inferioris *subjectivitas*, quantum fieri potest, *negatur*, superioris autem *ponitur*. Hæc omnia adeo sunt naturalia, adeo radicitus cum hominis natura complicata, adeo *humana*, ut illorum vestigia apud incultissimos homines deprehendamus, imo & permature apud infantem. Qvis enim non observavit infantem alia uti modulatione vocis & aliis gestibus, imo omnino alio vultu, si cum majore natu congruitur, imprimis si illi præterea forma augusta inest & vestimentorum aliqua distinctio, aliis, si cum equali, aut aliquo, in quo nulla talia comparent auctoritatis signa.

Præterea aliæ quædam causæ sunt, quæ hanc distinctionem dignitatis confirmant & suffulciant: auctoritate præditus

*) Vix ullam format exceptionem, quod antiqui etiam apud equos talem quandam sensum sese comperisse crediderant, propter quem ex. gr. equa nollet usino misceri, nisi abrasa juba, & ad lacum velut speculum perducta amissum honorem sentiens, prius esset domita. Quod si vel plura ejusmodi exempla possunt offerri, imprimis de illis animalibus, quæ quadam utuntur *πολιτεία*, sive regimine reipi. monstrat hoc forte sensum dignitatis cum ipse, ut ita dicam, vitæ radicibus esse junctam; in humana tamen vita sola ubique est manifestus.

saepe cum pluribus simul loquitur, saepe in exercitu & concione; hinc nascitur necessitas altius & distinctius loquendi; privatus autem cum paucis plerumque & cognitis loquitur & saepe talia, quorum jactura haud gravis futura sit audientibus. Is vero, qui dignitate praeditus inter plures verba facit, vehementius saepe movetur animo & ob rei gravitatem & ob certamen orationis atque nisum persuadendi & fidem faciendi & auctoritatem sustinendi; omnis enim auctoritas semper invidiae est obnoxia. Hæc certe magnam creant accentus differentiam in procerum & privatorum sermone. Verum paulatim nascitur etiam consuetudo subjectivam personam procerum etiam alia voce exprimendi quam privatorum, & hæc quidem ab ipsis fit proceribus & privatis distinctio communi quodam consensu. Hoc variis fieri solet rationibus. Interdum magui viri dignitatem indicant ipsius subjectivitate pluries ponenda, cum ceterorum simpliciter ponatur; talimodo pluralis numeri secundam personam usurpant pro singulari, quasi sic monstrantes talem nuntium virum perinde existimari, atque alios multos; interdum ponunt subjectivitatem viri potentis velut absentem, quamvis praesens sit, velut indicantes, talem virum non esse temere propius adendum a vulgo hominum. Hujus autem rei, prout natura fert, sensus duplex est; ita fit, ut singularis tertia persona adhibeatur in quibusdam lingvis (ut italica) ad dignitatem, in aliis (ut in danica) ad contemptum denotandum; siquidem distantiae typus etiam sic accipi potest, quasi nolimus aut recusemus ad humilem conditionem descendere illius, cum quo loquimur. Aut illi forte hoc typo significamus, quod ei nobiscum cominus congregari non liceat. Interdum subjectivitatem pluries ponunt & velut absentem *simul*; talimodo tertiam personam pluralis adhibent ex. gr. Germani. Est ubi ne hoc quidem sufficit, nam subjectivitatem nullo pronomine exprimere non satis dignum censetur; sic sublimior & gaudior quædam idea aut. notio substituitur loco nudæ subjectivatis; talia sunt: Majestas, Celsitudo, Excellentia, Eminentia. Et talia quidem in Europæ lingvis maxime adhibentur ad exprimendam dignitatem. Ulterioris autem Asiæ gentes longe aliam rationem sequuntur. Illæ enim pronominum loco substituunt substantiva consanguinitatem simul & ætatem iudicantia, magnumque virum vocant, pro differentibus gradibus dignitatis, patrem vel avunculum vel avum vel proavum vel atavum; & inferiores, filios, nepotes & pronepotes, æquales autem fratres & sorores & consobrinos; neque hoc solum contenti, minores differentias indicant adjecta voce: *major* vel *minor natu*, uti: *major natu frater*, *minor natu soror*, & ejusmodi varia. Ita hæc lingvæ copiosissimæ sunt ad dignitatis gradus exprimendos. Hæc autem inter illos iude nata est consuetudo, quod apud semibarbaras gentes paterna imprimis valet auctoritas, & reipl. omnis constitutio quadam ratione est domestica, omnis vero dignitas & auctoritas ætate & physica quavis excellentia maxime mensuratur. Cum vero Europæ gentium longe alia sit reipi. constitutio, & morales & intellectuales qualitates majoris existimantur, quam robur, aut ætas, aut ea, quæ hanc

necessario sequitur, experientia *vulgaris* (quæ per se etiam modo materia quædam prudentiæ est), potius ducunt, totam hominis subjectivitatem multiplicare aut etiam velut distantem ponere.

Hæc quauquam non gravis primo aspectu res tamen sermonem multis modis affecit; hoc pacto enim in sermonem introducta est dignitatis consideratio, non circa personas tantum, verum & circa quamlibet notionem, quæ immensum quantum effecit ad purgandum sermonem & poliendum. Jam coeperunt nonnullæ voces aliis existimari sublimiores, excellentiores atque magis propriæ & decentes, & illæ quidem maxime eligi & adhiberi in conventu, & coram principibus atque magnatibus & majoribus natu, hæ vero vitari. Dignitas vocis autem *sono*, *rhythmo* & *sensu* mensurata est. Quando enim sermo aliquantum poliri coepit, monosyllabice voces & nimia consonantium collisione duræ aut nimia vocalium fluiditate molles ex elegantiori sermone eliminari coeperant, atque similiter sono abruptæ et rhythmo nimium inæquales; prout affectus mitigari vel emolliri vel dissimulari coeperunt, in sermone etiam quæcunque eorum umbra evitata est. Sensu autem *digna* æstinata sunt quæcunque intellectualem hominis vitam spectarunt; ludigna autem, quæ sensualem aut animale vitam, & hæc sane tanto indigniora, quanto magis specialia ejusdem expresserunt. Et si coram pluribus sermo fiebat, tum etiam illa indigna sunt habita, quæ præsentium aliquem essent læsura, imprimis si ille dignitate aut auctoritate multa esset præditus. Personarum quidem ab initio dignitas maximum valuit, adeo, ut respiceres, quem alloquerere & qua de re, sed ut sublimiorum idearum sphaera cognosci magis atque illius objecta verbis exprimi coeperunt, sublimior quædam dignitatis mensura in sermonem est inducta, & propter hanc respectus dignitatis personarum quandoque omnino sublati. Hæc enim, quæ in intelligibilem mundo apparere, adeo fuere sublimia, ut supra humanas omnes rationes erecta viderentur. Sic ex. gr. quando veritatis, justitiæ, virtutis, sapientiæ verus sensus natus est, horumque plena cognitio: absurdum visum est de his disserenti personarum respicere dignitatem; tum enim celsiore quadam & augustiore dignitatis lege ducebatur; sique aliquando occurrit, ut personæ dignitas non posset in sermone cum rei aut ideæ, quæ explicanda fuit, dignitate conciliari, personæ dignitas omnino posthabita est, quique hoc non fecit, serviliter & indigne verba facere visus est.

§. 25.

Cæterum personarum respectu non hoc tantum consideratum est, quem alloquereris & qua de re, verum & *qui diceret* spectatum, alia enim a principe exspectata oratio, quam servo aut puero aut quocunque subdito. Hanc rem ulterioris Asiæ gentes atque Japonenses adeo religiose exprimunt, ut princeps alio utatur primæ personæ pronomine ad suam subjectivitatem exprimendam, si enim principe loquitur, alio, si cum honorato aliquo cive, alio si cum ad-

vena aut ignoto homine, & præterea etiam secundæ personæ pronomen pro his dignitatis gradibus variet. Europæ quidem gentes primæ personæ vix aliam distinctionem agnoscunt, quam hanc, quod principes plurali numero utuntur de se loquentes, cum ceteri maxime singulari utantur. Hoc sic esse non tantum fert, verum & quodammodo jubet humanitas; homo enim adeo versus sublimiora fertur & quasi vi trahitur, ut omni sprete invidia & æmulatione, sæpe illum grandorem in alio lubenter spectet & admiretur, quo ipse orbatu sit. Sic magnates & principes tali sermonis distinctione utuntur, non sui tantum causa ob superbiam, verum & subditorum causa, ne eorum fallat expectationem. Et sane personæ quidem dignitas nulla est, nisi quatenus per aliquam sublimiorem ideam sustentatur, atque ab illa deprendet, & hanc sane spectant & admirantur homines imaginem perfectionum variarum in principibus & magnatibus. Ita quando hominum societas in classes coepit dividi, nascitur paulatim *distinctus quoque sermo classium* idque primum propter considerationem dignitatis. Et manifestum est, propter hanc rem sermonem multum ditari, & vocibus, formis & sententiis & tropis locupletiolem reddi, cum de una eademque re aliter principi disserendum sit, aliter nobili, aliter civi. Neque hoc tantum, sed et diversum vitæ genus, opera & artes diversarum classium sermonis varietatem et multipliciter peperit. Qui enim reip. regimini atque rebus politicis operam dedit, hunc coluit maxime sermonem, qui eo spectavit; qui vendendis mercibus, mercatorium sermonem & mercium nomina didicit atque invenit; qui agro colendo, rusticum sermonem; qui venationi, venatorium; qui equestri rei, equestrem; qui militari militarem; qui domesticis rebus domesticum; & quemadmodum quodcunque vitæ genus peculiariter quandam characterem in homine gignit & format, sic sermoni omnino pro classium differentia peculiaris suus character est in sono & accentu & in tropis; quæ res ni pernota esset, eam multis liceret exemplis illustrare.

§. 26.

Sequuntur *artes & scientiæ*, quæ sermoni multis respectibus ultimam veluti manum imponunt adeo, ut perfecte formatus sit & absolutus. Quam rem antequam uberius explicamus, annotamus classium quidem & dignitatum divisionem ab initio factam secundum corporis robur, quæ antiquissima, uti videtur, potentie basis est, & secundum militarem virtutem, & secundum animi dotum præstantiam, & secundum opera & artes, quæ quicumque exercebat, non educatione & doctrina ad illam rem formatus, sed casu interdum & propensitate in id studium tractus. Ita per istam divisionem diversus sane usus sermonis inductus est pro classium differentia, sed tamen vagus adhuc & minus constans; artes enim nulla doctrina traditæ, sed proprio cujusvis ingenio cultæ frequentissimam subiere innovationem, & consequenter sermo, qui eis fuit adaptatus, sæpe mutatus est. Verum ut artes & scientiæ per doctrinam coli, & quæque sua coepit illu-

strari *philosophia*, tum demum sermonis usus firmari & constans reddi ejusdem consuetudo, tum certæ notiones certis vocibus designari & notionum circumscribi limites. Et hæc omnino nova in sermone est per scientias introducta consuetudo, ut notiones ad idem genus pertinetes generico nomine designarentur, ut affinia quæcunque affluibus, ut speciebus & individuis suæ servarentur distinctiones. Porro per scientias accuratior quidam ordo in orationem est introductus, autem quidem cognitus per oratoriam artem, non tamen adeo determinatus. Cum enim oratoris principale negotium hoc esset, ut persvaderet & duceret animos: nulli alii omnino erat adstrictus ordiui, quam qui ad hunc scopum assequendum requirebatur. Sed ad commovendos hominum animos scientificus vix fuit ordo necessarius, verum e contrario nonnunquam etiam perniciosus existinari jure potuit. Sed liber quidam ordo in oratione comparuit, qualis ex oratoris nascebatur ingenio & qualis auditorum captui maxime videbatur accomodatus. Scientia vero etiam sermonem suum fecit objectum, quæsitivæque leges recte construendi sermonis, hasque deduxit e cogitationis necessitate, logicamque & grammaticam artem sermonis fecit moderatrices. Illa omnia, quæ in his scientiis continentur, præcepta circa sermonem cuarrare, hujus quidem loci non est, has vero in multis sane lingvis permultum contulisse ad formationem sermonis, apertum quidem est, quanquam in nonnullis lingvis multo plura earum cernantur vestigia, quam aliis. Sic permulta, quæ in omni lingua spectantur, eamvis ad formandam analogiam, logicæ & grammaticæ magna ex parte debentur, non tamen omnino; nam in multis, quæ novimus, analogiæ exemplis patet, quod hæc magis per illas mentis facultates, per quas postea logicæ & grammaticæ sunt inventæ atque excultæ, quam per has ipsas scientias, qua tales, exco-gitata sunt. Et quandoque analogia vix ab hominibus quæ-sita est aut inventa, sed potius ab ipsa natura formata præ-ter ullum hominis studium. Tales sunt terminations verborum in illis lingvis, quarum perfectissima est in hoc genere formatio. Doctis enim visum est, has plerumque in verbis effici per personalia pronomina, quateus personas agentes aut patientes distinguunt, & per auxiliaria verba aut adverbia, quatenus distinguunt tempora, quæ utraque post longum usum adeo intine commixta sunt cum ipsius verbi essentia, ut jam haud facile determines, quænam cujuscunque verbi pars pertineat ad ipsius verbi radicem, & quæ ad suffixum pronomen, præsertim cum verisimillimum sit illa, quæ verbis suffixæ fuere pronomina, jam omnino esse obsoleta nec ulli cognita.*) Jam vero quædam analogiæ naturales

*) In primæ personæ pronomine duo quidem elementa animadverto: alteram, ut mihi videtur, subjectivum — demonstrativum, alteram vere subjectivum — objectivum. Demonstrativum illud voco, quod vocalibus maxime literis exprimitur: *Ego, Io, J, Ich, Jeg, Je*, quod aliter non est considerandum, quam ut simplicissima quædam vox, aut interjectio, qua homo suam presentiam indicat, persimile illi sono, quo infantes suam presentiam in abito loco indicare solent, nec illi abasille, quo in aqua submersi opem flagitant. Ita, uti videtur, humanitas; hoc vocali sono utitur ad subjectivitatem suam

sunt nempe quatenus similes passionēs aut affectionēs; similes sonos produciunt; *artificiales* autem aliæ, quatenus similes uotiones aut idem similibus sonis exprimuntur. Illud analogiæ genus in antiquissimis lingvis maxime est obuium, hoc autem in hodiernis. Illa aptitudini primi hominum generis majori ad recipiendas impressiones objectorum tribuenda est, & vitæ formam monstrat magis infantilem & patientem, hæc maturiorem monstrat facultatem cogitandi & virilem ætatem hominis sua sponte agentem. Sed ut sermo coepit per scientiam coli, naturales analogiæ plerumque sunt obolitæ, certe nou amplius quæsitæ, in eorumque locum artificiales omniuo succedunt, & quemadmodum res non amplius secundum exterius tantum proprietates cognoscuntur & percipiuntur, verum secundum multas qualitates sensibus non obuias, sic hoc etiam observatur in rerum uominibus, in quibus idealis jam semper quæritur analogia & aptitudo.

Talimodo apertum est, per scientias vitalem quaudam vim in lingua, si non omnino suppressam, saltem multum esse debilitatam, & per illas id, quod fuit in sermone plasticum, magna ex parte exstinctum esse. Sed ab altera parte considerandum, quod scientiæ sermonem ditauerunt nouo uocum thesauro; nam idealia quæcunque, quorum cognitionem primum, ut §. 23 dictum est, per religionem suscitata existimamus, propter scientiarum culturam sua nomina inuiprinit sortita sunt.

§. 27.

Formati jam & exculi sermonis itaque tria potissimum sunt genera: *poeticum*, *oratorium*, *scientificum*. Poeticum quidem antiquissimum & vitæ usui proximum, maximeque varium. Oratorium, civilis vitæ usum maxime spectans, nou varietate adeo insigne, uti perspicuitate, robore, elegantia, decentia. Scientificus autem sermo, per se omnium minime perfectus & excultus, tamen solus altioreu hominis destinationem indicat ultra huius vitæ terminos prospicientem. Hic, inquam, imperfectissimus est variis de causis: quia cum homo in formando sermonis genere poetico uatura imprimis duceretur, in formando scientifico sermone proprii ingenii viribus maxime ducitur: quia artificiosæ dictioni studere ab-

indiciendam & sustinendam. Hæc uoce ueluti emergit ex oceano existentia. "*Ecce ego sum*" est illa sententia, quæ in hoc pronomine condita est. *Subjectivo* - *objectivum* uoco illud primæ personæ pronomen, quo homo se ponit relatione cuiusdam alterius, in quo pieramque præter uocalem deprehendimus literam *m*: hoc nempe plasticum est, ut elausis labris, quasi conclusa existentia sua indioit objectiuitatem subjectiuitatis. Talia mihi uidetur sensus naturalis uocum *me*, *mihi*, *meum*, *mei*. Per hoc pronomen homo uelut terminat existentiam alterius, & illa sententia, quæ sub illo latet, est: "*Ecce me inter alios*." Hactenus itaque agnosceimus primitiuorum pronominum elementa etiam in hodiernis linguis. Illa uero in singulis formis uerborum persequi lubricum sane est, quoniam haud paucos uerborum formas secundum hæc, quæ jam proposuimus, explanari possunt. Notandum tamen est, quando nos de alionas uocis naturalis sensu disserrimus, hoc semper esse accipiendum de ipso uocis elemento, quod uix unquam nisi una quadam litera in hodiernis linguis seruat.

surdum foret illi, cui veritas imprimis cordi est; omnes enim alii respectus tolluntur & evanescunt præ studio veritatis: quia in scientifico sermone quoddam est novi sermonis inchoamentum & rudimentum, quod alii vix adhuc inchoatæ vitæ adaptatum est.

Cernimus itaque in sermone ut in quocunque alio objecto solitum naturæ progressum per formarum varietatem, & a multitudine recessum ad formam organicam, & in perfecta forma organica novæ generationis principium.

Caput III.

De perfectione sermonis.

§. 28.

Sequitur ut, in quo sermonis consistat perfectio, paucis dispiciamus. Apertum autem est, hanc perfectionem poeticum & oratorium sermonis genus maxime spectare, quantum vero ad scientificum sermonem attinet, possibilitatem spectat & aptitudinem, non vero ipsius efformationem.

Et sermonis quidem perfectio scientiæ respectu omnis formalis est, ipsius autem sermonis respectu ex parte formalis, ex parte autem materialis. Formalis illa est perfectio, quæ in sono observatur; materialis autem illa, quæ in organisatione vocum & sententiarum atque constructione.

§. 29.

Nonnulli existimavere, nullam esse linguæ perfectionem absolutam, neque quoad sonum, neque quoad organismum; sed consuetudine fieri, ut cuicunque genti videatur pulcherrimum id, quod apud illam in usu est, & aptissimum quoque ad omnes notiones exprimendas. Quæ res si sic haberet, nulla omnino foret hoc respectu Græci & Groenlandici sermonis differentia, neque Arabici & Sinesensis, quod tamen absurdum esse vel primo aspectu patet. Nam si peregrini sermonis ignorantia sæpe fit, ut illius concinnitatem non statim sentiamus, & ut vernaculi sonum, cui anres assuetæ sunt, jucundiores existimemus, hinc certe non sequitur, ut linguæ sono nulla insit *absoluta svavitas per se perceptibilis*. Verum sermo vernaculus sæpe alia nos rapit dulcedine, & quidem potentiore, quam illa soni dulcedine. Nam per hunc vel illum sermonem multis modis sæpe affectum esse, multa jucunda & injucunda, svavia, terribilia, in illo audivisse, hoc animum arcte ligat, & quandam, partim *amatoriam* partim *servilem*, gignit consuetudinem. Sed vix ullus est Germanorum, qui sonum linguæ gallicæ atque italicæ non iudicet svaviorem, quam sui idiomatis, quanquam forte multas alias laudet sui sermonis præstantias. Verum tenendum est, quod in hujus disquisitionis principio proposuimus: *quodlibet elementum literale, tam vocale, quam consonans, esse expressionem passionis aut affectionis alicujus simplicis cha-*

racteristicam. Harum autem affectionum alix altis sunt nobiliores, suaviores, elegantiores, & similiter se habent earum expressiones literales; in unaquaque autem gente aliquod est iuprimis dominans affectionum genus; hinc fit, ut certa quædam elementa literarum frequentissime recurrunt in illius sermone, quæ sane hanc dominantem affectionem exprimunt; hujus itaque affectionis qualitas constituit sermonis characterem atque dignitatis gradum in sono obvium.

§. 30.

Primam itaque perfectionem lingvæ, sonum spectantes, in hoc posuimus: *ut elementorum sufficiens adsit numerus.* In efformatis, quas novimus, lingvis literarum elementa plerumque sunt plus quam viginti, sed vix unquam ultra triginta excedunt simplicia, & intra hunc numerum videntur contineri humane vocis elementa naturalia.*) Quæ lingvæ pauciora elementa habent, in hoc peccant: quod videntur apud illam gentem illi desiderari vitæ modi, quorum desiderata litera characteristicæ est; peccant etiam eo, quod necessarium est, ut in tali lingva repetitiones frequentiores ejusdem elementi aures offendant; etiam illo, quod sæpe non possunt suum sermonem ditare per voces aliunde receptas ab exteris, quando harum vocum elementa desunt. Ejusmodi defectus varios memorat Adelung in lingva Sinesensium & ulterioris Asiæ gentium, earumque, quæ australes insulas oceani iudici inhabitant; similiter in lingvis variis Americæ. Hoc homine admodum efformata est lingva Græca & Arabica imò & Armenica & pleræque Europæ lingvæ, quarum jam maxime Gothicus est character; & hoc modo per ipsam lingvam declaratur, istas gentes multo plures vitæ vicissitudines subisse; & magis multifarias energias vitales in illis esse suscitatas.

§. 31.

Illæ soni secunda præstantia est: *ut nullum sit neque vocalicum neque consonans elementum, quod aures offendant nimia frequentia.* Quædam enim idiomata quosdam sonos adeo vehementer sectantur, vel potius iisdem infestantur, ut eo tollatur omnis æqualitatis & varietatis proportio. Sic ex. gr. apertum est, literam *o* multo frequentius recurrere in lingva italica atque hispanica, quam latina vel græca. Multum tamen interest, quamquam illa litera sit, quæ sic frequentius repetitur. Namque multo magis lædit aures & Groenlandorum & variarum barbararum gentium, quæ idem elementum vix frequens patitur, quam *o* Italorum. Sed tamen omnis nimia frequentia offendit, monstrat enim illam

*) Barbararum linguarum certe plura memorant elementa viri docti, quamquam in his varia desiderantur, quæ inter nos in usum sunt. Sic apud quandam Americæ gentem literam, quæ sonet inter *l*. & *r*. usurpant memorant, & plura sunt ejusmodi. Nam gutturalia in primis elementa multifaria sunt; apertum enim est, eo creati differentiam soni, si vocis obstaculum altius aut profundius in gutture formetur. Hæc autem diversitas, quæ inde gignitur, nova quidem non creat elementa, sed modo ejusdem elementi modos varios.

gentem, cujus lingua sic affecta est, peculiari cuidam affectioni obnoxiam fuisse, unde natus est lingvæ nimis unicolor character.*) Tum sane aptissima lingua est ad omnem vitæ usum, quando nullius passionis species prævalet in ipsis lingvæ elementis, tum enim erit facillimum illi, qui tali lingua utitur, sic orationem informare & sic voces eligere, ut illum aptissime exprimatur statum animi, qui illi inest in quocunque momento. Si vero aliquod elementum propter sermonis constructionem originariam omni fere momento recurrit, orationis turbatur vis & effectus, cum alia inducatur passionis species, quam illa, quæ exprimenda est. Quamquam nos vocalis *o* nimiam frequentiam annotaverimus in lingua italica, laudant tamen critici Itali suæ lingvæ aptitudinem hoc respectu, quod ita sit formata, ut per illam liceat omnem varietatem passionum exprimere & quemlibet affectionum colorem sono veluti depingere. Hujusmodi exemplum adducit Crescembeni e primo Petrarchæ sonnetto:

Voi che ascoltate in rime sparse il suono

Di quei sospiri onde io nudriva il cuore.

Hoc loco nempe dicit gaudia a depressis & humilibus egregie esse distincta per ipsum sonum vocalium. Vocales nempe *a*, *o*, *u*, secundum Italos solemnia exprimunt & grandia, quæ bene conveniunt iucipientis operis dignitati, quæ hic depingitur in vocibus "*ascoltate*" "*sparse*" "*suono*", sed materiei recordatio auctorem deprimit humilemque reddit, cum juveniliū passionum nimiam vim confiteri cogatur, & hunc mentis statum exprimit vocibus "*sospiri*" "*io*" "*nudriva*". Horum tamen vis forte ab ipsis Italis, quam ullo alio, melius sentitur & agnoscitur. Nos tamen non negamus, nos in sequentibus Dautinis versibus ad sanctam virginem, & quamcunque aliam invenisse amoenitatem & perfectionem, & præterea etiam hanc:

"Vergine madre figlia del tuo figlio

Humile ed alta più che creatura."

§. 32.

Quædam vero elementa vocis per se ignobilia sunt; quædam enim etiam alphabeti plebs est & quidam sunt proceres. Hinc nascitur tertia perfectio soni in eo consistens: ut *italium elementorum quam ceterorum vel minus frequens sit recursus*. Ejusmodi elementum est litera *k*, & variæ gutturales, nec non compositiones diversæ consonantium. Hæc uti quæcunque alia res in excessibus maxime innotescit. Triplex autem ratio est, cur quædam literæ ignobiliores sint, partim quia ab origine ignobiliores affectiones indicant, vel cum contempti alicujus animalis voce quædam habent similitudinem; vel, quod omnium pessimum est, literæ sonus impurus & raucus est, uti variarum gutturalium adeo, ut collisorum saxorum sonitui nonnunquam haud absimilis sit. Gutturalium arabicarum sonum exscreantis referre affirmarunt viri docti. Perfectio haud tamen consistit in eo, ut talia elementa omnino absint; nam in repl. elementorum lite-

*) O, Italorum quædam esse perditæ gloriæ perpetuum elegium philomela planctu similem non negamus.

ralium cuius civi suus dignitatis locus est, culpatur tantum nimia eorum frequentia; uti in voce groenlandica: *erkiksini-karkudluta* injucundissima est litera & tam frequens repetitio, nec non in eadem voce variae junctiones consonantium. Huc quoque referendum est *m* latinorum, quod Quinctilianus *mugiens* vocat.

§. 33.

Quarta quoque est negativa perfectio soni: ut illa, quae valde difficilia sint atque dura ad pronuntiandum, absint, vel saltem sint infrequentia. Quicquid enim ad pronuntiandum difficile, non potest nisi organorum distortionem formari, sed organorum distorsio aut ab affectatione aut a passionum vehementia proficiscitur; ingenua & liberalis hominis natura itaque omnes ejusmodi sonos fugit & repudiat. In græca certe & latina lingua non deprehenduntur, sed magna eorum copia occurrit in lingua Celtica &, uti videtur, in linguis Slavonicis, quantum ex scriptis eorum vocabulis conjectare licet; celticae autem linguae *ll*, imprimis in principio vocis, vix ullus est exterorum, qui pronuntiare possit; illud enim proferunt ut *th* anglicum sequente *l*, ita vox *Llangollen* proferenda est *Thlangothlen*, & ejusmodi habent sonos varios. Sed tamen ut in universum injucundorum sonorum suus usus est, sic etiam durorum & difficilium quidam est, modo frequentes non sint. Isti soni in sermone id fere sunt, quod in arte statuaria est græcus Laocoon, vehementiam tam activam quam passivam egregie exprimentes.

§. 34.

Hoc quoque sonum spectat: quod vocum quædam est naturalis & aptissima mensura sive longitudo. Monosyllabæ voces abruptæ sunt, eoque lædunt, & quæ sextam vel septimam syllabam excedunt, quas sesquipedales vocarunt Romani, nimia longitudine fatigant. Hiuc quinta perfectio: *proportionem sistens & aptam vocum longitudinem*. Monosyllabarum linguarum multa incommoda & injucunda alio loco notavimus, & nuper ex groenlandica attulimus exemplum longitudine & sono æque offensus. Sed omnium linguarum, quarum jam perfecta & concinnata forma est, aptitudinem & proportionem jure laudare possumus hoc respectu, si forte anglicam excipiamus monosyllabis, ut vobis saltem videtur, justo magis scatentem, indeque duriores aliquando & hirsutiores. *Cujuscunque vocis naturalis radix una syllaba continetur*, & secundum naturam fit, ut vocis affectiones variae alia vel affirmata vel suffixa syllaba indicentur; ita aptissimum est, ut plurimæ voces sint disyllabæ vel trisyllabæ, quem numerum etiam in græca lingua atque latina & plerisque gothogermanicis frequentissimum deprehendimus. Monosyllabæ secundum naturam sunt voces, quæ simplicem quandam ideam aut notionem denotant, ejusmodi sunt conjunctiones & prepositiones simplices & quædam substantiva. Magna saepe est vis monosyllabarum, sed in multa eorum copia deest suavitas.

§. 35.

Sed summa & maxima soni perfectio *in accentu est posita*, quam tamen accurate describere impossibile est; facilius autem, negativa hinc spectantia indigitare, eamque in concreto monstrare iucunditatem & iucunditatem, quæ omnibus est obvia. Sic, credo, vix ullus homo adeo est rusticus sive rursicus, ut Russorum accentum æque iucundum existimet atque Italorum, qui rusticorum borealium accentu æque delectetur, atque eorum, qui in urbibus degunt Gallorum vel Hispanorum. Hoc autem quid sit, quod in illius accentu iucundum sit et in huius gratum & suave, docere difficillimum est. His certe quidam iustus vitalis spiritus, qui illis negatus videtur aut magna ex parte suppressus, & hoc accentu proditur. Altior quidam humanitatis sensus illis inest, & hoc manifestatur tam uniuerso corporis habitu, quam in specie voce & accentu; horum autem cuncta vis & energia vix videtur ultra animalis vitæ fines tendere & hæc mentis constitutio eorum habitu & voce & accentu prodi. Curvi stant & iucedunt, & in sermone quædam apparet somnolentia, qua vocis articulatio ex parte tollitur. Vix enim habent determinatas consonantes, imo nec vocales, sed quæcunque vocalis videtur apud illos e variorum sonorum vocalium natura uonuihil participare, adeo mixta est & indeterminata. Cum vero organorum laxa & crassa omnino tensio sit, æque indeterminatæ sunt consonantes, præsertim cum nec certa efflati & resorpti spiritus directio sit adeo, ut litteræ *b* & *p* & *v* & *f* facile confundantur. Notandum tamen est, non gentem quidem a gente hoc nomine distinguere, sed in qualibet gente iugentum & bene educatum a rustico & serviente,

§. 36.

Hoc quoque grave est, si amoenitatem lingvæ spectas, quomodo constitutæ sint syllabæ, quæ se invicem in serie sequuntur. Auctor anglicus memoravit:*) syllabarum seriem, quæ eadem oris apertura proficitur, lenem & gracilem sonum producere, & exempli loco affert voces gallicas "dit-il," "pathétique": e contrario, si minimam oris aperturam sequatur maxima, vel vice versa, admodum iucundum gigni sonum affirmat, quem *hiatum* vocat. Sed iucundissimum esse seriem asserit, si oris apertura alteruatim modice dilatetur atque angustetur, ut in vocibus anglicis: "*alternative, longevity, pusillanimous*. In serie syllabarum, meris brevibus aut meris longis consistente, negat harmoniam esse, sed ubi longæ brevibus intermiserentur, gratum fore sonum affirmat. Sed quædam lingvæ latas & apertas vocales decantant ut sviogothica, aliæ tenues et exiles, uti vulgaris danica, quod nimiam gignit soni uniformitatem. Tum enim iucundissimus sermo est, quando nulla elementaris qualitas aut constitutio nimis videtur prævalere.

*) Vid. Encyclop. Britann. sub art. "Language."

§. 37.

Magis materialis illa est sermonis perfectio, quæ periodorum sive sententiarum sonum spectat, quæ jubet a minoribus ad majora, non per minutos, sed maguos gradus ascendere; nam nisi hoc observatur, graduum non apparet differentia, opposita autem ratione gigitur series periodorum ludicra. Hujus perfectionis hoc e Cicerone exemplum solet afferri:

Quicum quæstor fueram,

Quicum me sors consuetudoque majorum,

Quicum me deorum hominumque judicium conjunxerat,

Et hoc:

Habet honorem, quem petimus,

Habet spem, quam præpositam nobis habemus,

Habet existimationem multo sudore, labore, vigiliis collectam.

quas periodos, in utraque serie, si talimodo invertimus, ut primum membrum postremum fiat, quauquam apparet, hæc inversionem omniuo nil efficere quoad materiam sententiæ, certe gravissimum & potentissimum hoc Ciceronis dictum deridiculum fit. Adeo, ut si Cicero sic informasset orationem:

Quicum me deorum hominumque judicium conjunxerat,

Quicum me sors consuetudoque majorum,

Quicum quæstor fueram,

omniuo nugæ agere visus fuisset, illis ipsis auditoribus, qui hunc sermonem, uti a summo oratore euuuciatum est, ob vigorem & fervorem magnopere admirati sunt. Hoc autem adduximus exemplum, quum adeo aptum sit ad illustrandam illam vim, quæ ordini & dispositioni sermonis iust, ne quis hæc, quæ formalia sane sunt, levia judicaret in dicendo aut in cultura sermonis. Dignum quoque hoc est, quod observetur, quod in hac serie non membra tantum crescunt periodi cum sono, vigore & materiei gravitate, sed quoque singularum vocum crescit longitudo. Disyllabis — *quicum* — *quæstor* — primum membrum formatur, in secundo longior vox *consuetudo* orationi pondus addit & vim, in tertia tres tales voces: *hominumque*, *judicium*, *conjunxerat* periodi plenam mensuram cunulaut. Si autem cuidam dubium remanet, an hæc vis dispositioni atque soni incremento adscribenda sit; modo rogamus, ut cogitet quaudam aliam scriem vocum, sensu carentium, quæ simili pacto sunt dispositæ, & statim comperiet orationis vim specie saltem crescere.

§. 38.

Illam autem est *materialis lingvæ perfectio* (quoad ipsam linguam considerata), quæ ab ipsa lingvæ *structura* pendet. Per structuram autem designamus organismum lingvæ grammaticum; ille autem sese in hoc manifestat: quomodo notiones simplices per voces depingantur & qualis vocum forma

& solita sit junctio. Sic ex. gr. quædam lingvæ adjectivum plerumque præponunt substantivo, aliis inversus placet ordo; quædam personam jungunt verbo, ita ut persona & verbum eadem voce enunciatur & tempus indicat syllabicis differentiis, aliæ ipsum verbum & personam & tempus & modum separatis vocibus exhibent. Similis quoque est nominum ratio, quædam enim ipsum nomen ejusque relationes ad alias notiones una eademque voce enunciant, aliæ hæ relationes denotant separatis vocibus. Et in hoc quidem apparet structuræ differentia. Ceterum quidam orationi naturalis ordo est, quidam autem artificialis, qui utatur non sequitur leges simplices. Hic autem est & vocatur ordo orationis naturalis, qui a subjecto incipit, subjecto jungit prædicatum & postremum ponit objectum, ut in hac sit propositio: "Alexander amavit Helenam." Si autem dicimus *Helenam amavit Alexander*, aut *Alexander Helenam amavit*, aut *amavit Helenam Alexander*, aut *amavit Alexander Helenam*, aut *Helenam Alexander amavit*, quamquam hoc latine æque facile dici potest, tum ordo certe non est naturalis, sed artificialis, & cum propositionis membra in alium locum transponantur, hic vocatur ordo transpositivus a grammaticis. Illæ autem lingvæ, quæ verbum & tempus & personam una voce junctim enunciant, hanc transpositionem & patiuntur & usurpant; sed hæ, quæ separatis vocibus nomina & verba notionesque illis relatas proferunt, naturalem ordinem maxime servant & servare coguntur. Secundum hanc qualitatem duæ apparent distinctæ familiæ lingvarum, quarum unam *transpositivam*, alteram *analogam* nonnulli vocarunt grammatici. Analoga autem hæc familia vocatur, quod ordo orationis sequitur cogitationis analogiam. Omnium, quas novimus, lingvarum *latina* maxime *transpositiva* est, quauquam eum illæ gentes, quas romana arma subegerunt, quæque romanis deinde literis sunt exculte, romanam sæpe dictionem suis vernaculis imitari studuere, & talimodo romani sermonis habitus in germanicam linguam inprimis atque hispanicam introductus est; tamen vix possunt istæ lingvæ transpositivæ vocari, cum peregrinus hic usus nunquam omuluo possit cum originario lingvæ spiritu conciliari. Græca autem lingua transponendi quoque magna gaudet facultate, hæc autem multo minus usi sunt præstantissimi auctores Græcorum, quam Romani. Senioris ætatis Græci ad romanum magis usum deflexerunt. Gothicæ autem lingvæ omnes *analogæ* sunt. Illæ vero lingvæ, quæ jam in usu sunt per totam Europam, modo Russiam, orientalem Germaniam, montes Caledoniæ, Hiberniæ, Britanniæ & Pyrenæos excipias, gothicum habent characterem; quamquam transponendi usus Romanorum plus vel minus in varias sit inductus cum romanis literis & artibus. In hodierna tamen lingua italica minime fere apparet. Adeo vel hodie in ipsa lingua servatur vestigium sedis imperii gothici. Sed inter omnes analogas linguas britannica, uti temporum, casuum, modorum distinctionibus maxime est destituta, ita & analogiam cogitationis in oratione optime servat.

§. 39.

Jam vero de hoc multa est dubitatio: *transpositivæ* an *analogæ* lingvæ aptiores sint ad omnia cogitata & sensa hominum exprimenda. Augli certe sibi hoc nomine palnam deberi postulant, quanquam non negant dignitatem & gravitatem & soni majorem vim Romanos seqvi. Sed perspicuitatem & distinctionem multo majorem suæ lingvæ inesse contendunt & hoc afferunt documentum: Cum eadem notio, quæ latine una voce exprimi solet, anglice tribus vel quatuor exprimatur, affirmant, sibi multo majorem esse facultatem notionis minutas differentias exprimendi, quam Romanis; partim quod tria habeant loca distincta, quibus addant emphasin per tonum, partim quod liceat tres voces diversis locis ponere, & sic variare sententiam. Hoc anglice differt, utrum dicam:

I do write, an
I do write, an
I do write,

o: utrum in hoc verbo personam, an auxiliare, an ipsum verbum cum emphasi prouuntiem. Hæ autem differentie in latina voce scribo haud comparent. Sed anglice quoque possunt allatæ propositionis ordinem ita invertere, ut auxiliare vel verbum primum ponatur, & simul accentu variare sententiam, & talimodo ejusdem verbi sequentes nanciscuntur varietates:

Do I write,
Do I write,
Do I write,
Write I do,
Write I do,
Write I do,
Write do *I*,
Write do *I*,
Write do *I*,

& multo plures quidem variationes afferunt. Hæ autem sufficiunt ad moustrandum, quod solam latinam vocem scribo multis modis possunt exprimere, & talimodo notionis varietatem indicare, quæ latine haud æque facile exprimi potest. Quod autem in hoc verbo exempli causa observatum est, in quocunque alio verbo observari potest. Exemplis haud opus est ad moustrandum, quod in nominibus quoque multo plures exprimi possunt varietates notionum per præpositiones, separatas ab ipso nomine, quam per casus, ipsi nomini in hærentes.

§. 40.

Sed in sermone auglico limitata admodum est transponendi agilitas, imo fere nulla est. Illa, quam prius attulimus propositio, *Alexander amavit Helenam*, quæ ut (§. 38) vidimus quinque modis transponi potest sine ullo perspicuitatis detrimento, anglice vix aliter dici potest quam simpliciter sic: *Alexander loved Helena*; forte poeta aliquando

minus solita & nonnihil iutorta dictione utens, posset dicere: *Alexander Helena loved*. Plures certe [transpositiones hujus sententiæ non patitur idioma anglicum; nam si sic invertimus; *Helena loved Alexander*, sensus quoque omnino invertitur, cum objectivi & subjectivi casus nulla sit distinctio. Quidque in hoc respectu anglico sermoni accidit, ceteris quoque accidit plurimis lingvis gothicis ex. gr. danicæ. Recte enim modo dicere possumus: *Alexander elskede Helena*, nam *Helena elskede Alexander* sensum invertit; quæ vero gothicæ lingvæ casus habent distinctos subjectivos & objectivos, uti islaudica, pluribus certe possunt hauc propositionem evnitiare rationibus. *Alexander elskadi Helenu* etiam recte sic dicitur *Helenu elskadi Alexander*, et tum omnino illæsus & immutatus servatur sensus.

§. 41.

Transponendi autem facultas, quæquam in lingvæ perfectionibus numerari meretur, modo relativa quædam est perfectio, & magis ad soni elegantiam & periodorum rotunditatem confert quam ad perspicuitatem aut vim aut energiam sermonis, imo illi quædamque obest, ni cum sollicita cautione adhibetur & his certe nocet perspicuitatem lædendo. Sed cum in lingvis, quæ transpositionem patiuntur, vocis significatio non pendeat a loco, quem occupat in periodo, potest is, qui tali sermone utitur, soni harmoniæ magis consulere; harmonia autem efficitur per soni incrementum & hinc factum est, quod Latini verba tam frequenter ponant in fine periodorum, non quia verba sint, hoc enim foret absurdum cum prædicati naturalis locus sit statim post subjectum, sed quia verba apud Latinos, per accidens, longiores plerumque voces efficiunt, quam rem certe non reputarunt illi, qui in lingvas, quæ omnino contraria ratione sunt formatæ, latinorum consuetudinem inducere studere, quasi in hoc ulla lateret elegantia: verbo in periodo ultimum locum assignare, etiam tum, quando verbum non esset suo plenum & pouderosum.

Illa autem idiomata, quæ *analogæ* nuncupavimus, perspicuitatis semper palmam ferunt, & ea de causa erunt non quidem ad quemcunque vitæ usum, sed ad plerosque usus aptiora. Hoc enim: quamlibet vocem in illo loco depreheudere, ubi eam expectaveris legens sive audiens, orationem reddit mire facilem & jucundam. Ex antecedentibus autem patet accentus esse in his lingvis multo efficacior vim & discriminationem, cum in sejunctis vocibus multo facilius exprimitur & percipitur. (cfr. §. 39.)

§. 42.

Hæc quoque vere materialis est perfectio: ut *lingvæ quidam sit character*, i. e. talis peculiaritas in forma, structura, toto habitu, quæ illam distingvat a quocunque alio idiomate. Sed peculiaritatum, quæ orationem coercent & mentis facultates luvitant, nulla laus est. Lingvarum uti hominum boni itaque characteres sunt atque mali, amabiles & exosi. Lingvæ autem character gignitur e physico & po-

litico vitæ genere nationum; montanis enim gentibus duræ dialectus sunt, maritimis vocales; qui sub tyrannide victitant servili utuntur sermone, qui in civitate aristocratica summas res ad publicam consultationem solent deferre, libero utuntur sermone & nobili, ut Romani. Gignitur præterea & formatur hic character ab artium & scientiarum studio peculiari, quod apud hanc vel illam gentem imprimis in usum est, & a morali constitutione gentium; elatus enim spiritus Hispanorum in ipso sermone manifestatur, & gravitas Arabum & Persarum, & lepores Gallorum & juncudinitatis & elegantiae studium.

§. 43.

Talis autem omnino culpandus foret lingvæ character, qui alicui obstaret perfectioni aut limitaret progressum scientiæ, qui ex. gr. novas voces aut vocum formas haud facile pateretur, quam rem gallico sermoni plures docti vitio verterunt. Hoc enim omnino perfectionibus annumerandum est, ut *lingva apta sit ad novas formas suscipiendas*, atque scientiarum progressum pari passu consequatur.

Tum autem lingua maxime laudanda est, quando novam quamque vocem ex indigena materia & quasi proprio metallo formare potest, quo nomine græca princeps habetur. Hoc enim magni momenti est, ut quamcumque vocem viva & clara notio sequatur, quod certe tum maxime sit, quando vocis tota derivatio ex indigeno fonte haeritur. Nam si multæ voces aliunde desumuntur, frequens oritur idearum confusio apud illos, qui vocis radicem non cognoscunt. Sic ex. gr. plerique Anglorum vocem *necessity* sæpe profert *need*, autumantes vocem derivari ab indigena *need*, quæ idem significat.

§. 44.

De Synonymis autem pervaria est doctorum opinio. Multi eorum copiam vitiosam judicaverunt. His adstipulatur Herders; & poeta Arabs, cum quadringenta fere vocabula arabica enumerasset, *miseriam* significantia, dixit quadringentesimam esse ærumnam omnia recitare ærumnarum nomina. Hancce synonymorum multitudinem Philosophi culpant eo, quod voces reantur ab uno quodam proficisci debere principio, quod certum quoddam & determinatum indicare, quod ambiguitatem notionum præcludere; notionum eam statuantes immutatam limitationem, quæ certe nulla est. Profecto tamen quoddam est formationis principium, sed in omni lingua complicatum est & multis modis affectum, pro climate, pro victu, pro politicis, domesticis, moralibus, consuetudinariis rationibus varium, id quod jam idiomatum multitudine per se satis probatum est. Gentium autem affectiones apparent in multitudine linguarum, singulorum hominum in multitudine synonymorum ejusdem idiomatis. Liceat igitur Arabibus centum, imo sexcentis, gaudere nominibus gladii, equi, serpentis; communis certe quædam est harum rerum conceptio, communis & denominatio. Sed tamen hic Arabs, in hac regione situs, in hoc momento hoc

pathematic affectus; aliter videt & sentit eandem rem, quam ille Arabs, in illa regione, in illo momento, et sic porro, imo ipse videt & sentit aliter in hoc momento quam in alio. Servat itaque & perpetuam reddit hanc sensationem novo adjecto rei nomine. Gladius ex. gr. si forte hostis caput divisit, postea nuncupatur *fissor craniorum* i. e. quando homo similem rationem sentiendi regerere cupit; & ejusmodi multa sunt. Hæc itaque copia synonymorum considerata est uti magnum quoddam notionum & sensationum coemeterium, ex quo tamen licet futuris Magis, & non Magis, suscitare quemcunque velint mortuum, prout svaserit occasio. Synonyma igitur omnino in perfectionibus sermonis numeramus, nam synonyma tantum sunt communis notionis & nominis respectu, i. e. quatenus eandem notionem communem significant, omnino autem synonymum i. e. ab omni parte synonymum, nullum est par synonymorum, nam varietatem quandam communis notionis denotant. Certe tamen promiscue usurpantur, partim propter auctorum negligentiam; partim quia soni varietate delectantur, vel ob aliam quandam ejusmodi minoris momenti causam.

§. 45.

Quarundam linguarum formæ fundamentales omnino vitiosæ sunt, nam humanæ rationis evolutioni & maturitati facultatum obstare videntur. Exemplo sit lingua Caraibum, in qua virorum & mulierum omnino diversus sermo est adeo, ut luna, sol, arcus, lectus alio nomine a viro salvetur quam muliere. In lingua Huronum ad animatas & inanimatas res diversa verba adhibentur; ita lapidem videre & hominem videre diverso verbo exprimitur. Apertum itaque est, notiones maxime generales inepte in classes distribui in his idiomatibus, unde non potest non maximum oriri cogitantium & loquentium incommodum. Peruanorum lingua quædam est, in qua frater sororem aliter nuncupat, quam soror sororem, & sic in hac quoque lingua sexuum nullum est in sermone commune bonum; pluralis autem numerus deest. Hujusmodi exempla, quæ inter barbaros haud pauca sunt, ineptam quandam cogitationis & sentiendi directionem originariam videntur indicare. Gravem itaque hanc, sed negativam, linguæ perfectionem dicimus: *ut nulla ejusmodi sit notionum inepta classificatio & totius sermonis incommoda formatio.*

§. 46.

Sed in hujusce vastissimi objecti contemplatione gravissima res est *deformatio* sive *barbarismus*; hoc autem dico deformationem sermonis, quando aliquod idioma, relicta formationis via, quam ab origine ingressum est, propter extraneam aut adventitiam aliquam causam novum quandam ingrediebatur tramitem & aliud adscivit formationis principium, quod ex. gr. latinæ linguæ accidit propter invasionem Gothorum, quod aliqua ex parte persicæ propter incursiones Arabum & introductionem Islamismi, quod aliquatenus

etiam turcicæ propter eandem causam. Politicæ quidem revolutiones graves causæ sunt barbarismorum, haud tamen solæ sunt; nam si peculiare aliquod vitæ genus apud hanc vel illam gentem prævaluit, ut ex. gr. militare, venatorium, pastorale, rusticum, imo si peculiaris quædam ars apud hanc vel illam gentem præcipue est exculta, sermo inde novam formam & characterem nactus est & vocum copiam prævalenti huic vitæ generi aut artium studio adaptatam.

Hæc indagare, hæc persequi in variis formis lingvarum, arduum quidem foret multis de causis, nec effici posset, nisi ab aliquo haud vulgari doctrina instructo. Nos certe sentimus, quam immensum nobis desit ad tale quid moliendum. Prospicimus tamen hic in amplum & amœnum campum scientiæ, qui aliquando humani generis historiæ valde sit profuturus, qui nulli scientiæ aut cognitioni non sit aliqua ex parte utilis, qui, quando cognitus erit, humanarum cognitionum nexum multis in locis sit monstraturus. Sed hæc forte via, similis illi polari, glacie adeo impedita est & æterna nocte adumbrata, ut desperandum sit, ut unquam reddatur permeabilis.

